

# AMUTALIMELE KU JESU



Amen. Ni itumezi, George, Becky, ni Kezeli Ungren, yeo ki pina yende! Yeo ki niti, “Kaufela za cinca Jesu hataha.” Yena u kwalela lififi kwande, ni ku hasanya Liseli, mi lu itumezi ka seo. Cwale, ye ibile nako yapili ya Becky ha liza mwa keleke mo, ki pina ye swanela hande luli, *Mi Jesu Hataha*.

<sup>2</sup> Kacwalo lu itumezi ka ku ba mo hape, busihu bo, mi lu itumela hahulu ka . . . ku taha kwa mina babañata kakusasana kacenu. Mi cwale busihu bo, ki, Nina ni tuto nyana ye Ni bata kubulela ka yona, fa nako nyana fela; kono ku sikaba kale cwalo, Nina ni lizibiso ze ni tabela kubulela, ni lika zeñwi.

<sup>3</sup> Mi Ni bile fela ya silezi linzwi nyana. Ni sepa kuli ki kubulela hahulu. Ni kutalize hahulu nako yetelele. Kono ha Ni banga ni zona ze, hola kamba zepeli, matepu, mi ha Ni kutela kwanu, ki mukwa wa kuli Ni li tepiñela ba lifasi kaufela. Mi kacwalo Na itumela ku mina ka kulibelega hamoho ni luna kakusasana kacenu.

<sup>4</sup> Mi cwale kuna ni lika zelikani zeo Ni tabela kubulela ona fa. Zeo ki, kuli, Ni—Ni tabela kukupa keleke, nto yapili, nto ye Ni—yeni ezize, mi Ni—Ni bata kukupa haiba Ni kona ku cinca seo, busihu boo. Halu sika . . .

<sup>5</sup> Hani ezangi buitamo bwa silimo sesinca. Mi Niba . . . luna ni kuya kwa hae kamuso, kona kuli haluna ku ba mo kwa silimo sesinca, kwa . . . kono lukana lu mi hupula. Mi Ni lumela kuli kukaba mukopano mo, ka busihu bwa silimo sesinca. Eehe, yeo ki niti, ki—ki sebelezo ya kutona kupazulisa lizazi, sina mo ba belanga ni zona ka busihu bwa silimo sesinca. Lu tabela kubulela cwalo, kono halukoni fela kukuta ka nako luyo—luyo nga banana kwa sikolo. Mi musalaka ulukela kutapisa libyana za bona; mwa ziba mo ku inezi.

<sup>6</sup> Kacwalo Ni bata ku itumela ku mañi ni mañi wa mina ka lika za mina zende ze mu lu ezelize mwa nako ya Kilisimasi. Ni mina basali bene baile kwani ku yo beya lico mwa ndu, ni lika zeñwi, za luna, kuli hane luilo fita kwani, nekuna ni . . . lico ne li apetilwe kale mi ne li lukile kuli liciwe. Na itumela luli ka zeo. Mulimu ami fuyole kamita.

<sup>7</sup> Mi ni keleke, ka tikiti ya bona yenyinyani, kuli Ne ni tile kwanu ni—ni kutonga litino haiba ne Ni ka li tokwa, kamba ibe suti. Ba ni fanga suti silimo ni silimo. Mi balikani baka babande ba ni lekezi fela suti. Kacwalo Ni sepa kuli, haiba kulukile, Ni tokwa lika zeñwi inge lihembe ni likausu, ni zeñwi, Ni tabela kulwala masheleñi ku zeo haiba ki nto yende kwa keleke. Ni tokwa zeo kufita mo Ni . . . kufita mo Ni tokwela suti, ka nako yona ye.

<sup>8</sup> Mi cwale, mutangana nyana yo ya lu opelezi fa, Muzwale George Smith, u zwa kwa Tucson, ne lu yanga kwa keleke ya bona fa halimu fani, keleke yani ki New Testament Baptist. Bo ndatahe ki ba buleli ba linzwi. Ni sepa bana ni likeleke ze kona kueza supile kwani mwa Old Mexico. Mi kuna ni sicaba sesinde kwani. Mi bo ndatahe ni bomahe, ni babañwi kaufela, ki batu babande. Mi George ki mucaha yomunde hahulu. Ni swabile fela kuli hasika lufa linzwi nyana la bupaki asika ina kale fafasi, ku ama sishemo se si pilisa sa Kreste mwa bupilo bwa hae.

<sup>9</sup> Mi cwale, haili—haili Mañusa, Ne ni sepisize kwanu ha ki kale hahulu, kuli Mañusa, Ni si ka ya kale kwa mikopano, Ni ka taha kwanu ku to a tepiña mi kona ni kaya kwahule. Sani neli ka ku hasanya matepu kwa sicaba. Mi kona hane Ni ka taha kwanu ku to tepiña Liñusa, mi kipeto ni ye ni yo Li kutaza. Sani ne si kafa sicaba kolo, kwa—kwa bapangi ba matepu, kuli ba pange tepu ni kuya ni yona hane lu kaya cwalo. Cwale Ni libelezi kuya fa musipili omutuna wa bu buleli, kacwalo ha Ni—Ni na kukona kueza cwalo kuzwa cwale kuya kwapili, mwabona, mi ni yena ya lwalanga matepu ulukela fela ku a lwala hanze luya cwalo.

<sup>10</sup> Mi Ni nahana kuli, kasamulaho wa lika kaufela, ki kuli habana mikopano wa matepu biki ye nji? Kamba, nto yeñwi ye cwalo, nto yeñwi ka za matepu biki ye. Niteni, Ni sepa Muzwale Sothmann uteni mo, mi uyemela Muzwale Maguire. Hani zibi haiba uteni mo kamba hayo. Ni sepa kuli Muzwale Fred uteni mo. Kuna ni yana bulezi kuli naliteni mo. Mi yena . . . Ni sepa kuli bana ni mikopano biki ye, mwendi kamuso busihu, kamba nako yeñwi, ka matepu. Ne lusweli kubulela fateni busihu bobuñwi, mwa muzuzu mwani. Ni sepa kuli nako ikwanile ya sika sesiñwi, kuli ba nge ni kueza buitukiso ka zona.

<sup>11</sup> Kacwalo, kuzwa cwale kuya kwapili, Ni ka bulela fela Mañusa ao Ni si ka swala kale fateni mo mwa tabernakele, kwande mwa mikopano.

<sup>12</sup> Mi cwale Ni nani, ni bata ku itumela ku Mulimu ka bupaki bwani ka za Muzwale Blair. Ne ku ezahalanga kuli Muzwale ni Kezeli Blair ba baliteni ona mo busihu boo, ya inezi fapila luna fa, yena yana na ni mushimani yomunyinyani. Mi Na hupula fani Mulena ha ni bulelela . . . Muzwale Blair, kaufela neba tomohile lipilu, mi ba lila. Mi mushimani wa hae yomunyinyani na sinyehile kwa sifateho *cwalo*, bakeñisa mota yene pindumukile, mi nali maswe hahulu. Kono hane Ni sweli ku—ku lapela, Na bona mucaha yani kuli uiketile. Mi Muzwale Blair, enisha, ani buza, ali, “Muzwale Branham, kana seo KISONA SA BULELA MULENA?”

Se nili, “Muzwale Blair, Blair, luli KISONA SA BULELA MULENA.”

<sup>13</sup> Mi Muzwale Blair uteni mo busihu bo. Mi lu itumela hahulu ka kuba ni Muzwale Blair hamoho ni luna. Mi na sweli kukula

bakeñisa bu—bu butata nyana bwa kuikalelwa. Mi Satani na mu natile ha butuku luli, kwanu ha ki kale hahulu, kuli asike a ni lumela. Mi cwale Satani hana sweli kueza cwalo, Mulena a taha mi ato si patulula ku yena; ni ku mu bulelela ka zona, ku pumela fela nako isika kwana kale ya se. Mi Muzwale Blair ki muuna yomunde. Mi Ni bata kuli mu muhupule. U swasehile mwahala milelo ka za kueza. Ha zibi fela mwa ku ezeza. Mi Na sepa, Muzwale Blair, kuli Mulimu. . . U mutanga yomutuna wa Kreste, mi U na ni zeñata zo lukela kueza, kakuli Maseli aya a tima. Kana noliteni mo kakusasana kacenu? Uh-huh. Ki hande, yeo ki nto yende luli.

<sup>14</sup> Cwale—cwale, Na sepa, nako yetatama ha Ni ka mi bona, mwendi ki mwa nako ya litabula, fa nako nyana. Mi ka nako yani, mwendi lu ka ziba haiba lukaba ni—ni mikopano, kamba nee, kwanu kwa Jeffersonville, ka nako ye Ni lukela kuba kwa Norway ni mwa linaha za ma Scandinavian. Cwale lusika nga fela kale palo. . .

<sup>15</sup> Kakuli, luna ni mukoloko wa litapelo otaha, mi babañata ba yemi, mwa libaka, ni kwa matuko a limota, ni libaka zeñwi cwalo, mi Na ziba, mina, ku tata hahulu ku mina. Mi Ni yemi, fa linako zeñata, na kasibili. Mi Ni fitile, fa nako nyana yefitile, ne ni tisa musala ka kwanu, Ni boni sicaba mwa minyako. Mi Na hupula kuli, “Ki mañi ya ka bulela kuli Evangeli haisali nto ye tabisa ku zeliteni mwa lifasi?” Luli ku cwalo. Kona mo I, mo I inezi, i ebelelisa baba tabela za Yona. Bani babasa tabeli, eni sha, ha ba tabeli. Bona, Haina kuba cwalo ku bona. Kono, Jesu, “Haiba Ni,” naize, “haiba Ni nanulwa kuzwa mwa lifasi, Ni ka bizeza sicaba kaufela ku Na.” Nto yeo ki ya niti luli!

<sup>16</sup> Mi ha Ni tahanga kwanu, kubanga zeñata za kubulela, mi Ni nani kuñola lika ze Ni bata kubulela fa, fa nako nyana. Kamba Nika. . . Kuna ni zeñata hahulu za kubulela, ukasana wa libala zo no bata kubulela.

<sup>17</sup> Cwale, Ni utwisisa kuli bo ndatahe Muzwale Ungren ba kolobelizwe kakusasana kacenu, ka Libizo la Jesu Kreste. Mi haiba Kezeli Ungren ni babañwi haiba bateni mo, Ni sepa kuli yeo ki nto yende ku bona, kakuli yeo ibile tapelo ya bona ka tundamo mwahala lilimo. Mi Muzwale Ungren, kaufela ko u inezi, Mulimu aku fuyole hahulu, muzwale wa ka.

<sup>18</sup> Mi haiba ha ku cwalo, Mulimu uka ni zekiseza zona ka Lizazi la Katulo. Mwabona? Ni ziba kuli ku lukile. Ni—Ni ka amuhela nyazo ya zeo. Yeo luli ki niti, kakuli ki Niti.

Mu li, “Ki kuli kuna ni shutano ni yekana?”

<sup>19</sup> Nekubile cwalo ku Paulusi. Neba buzize mone ba kolobelizwe. Ba bulela kuli neba kolobelizwe kale ki Joani, yena muuna yana kolobelize Jesu. Paulusi ali neba na ni kutaha ku to kolobezwa sinca, hape, ka Libizo la “Jesu Kreste.” Mi

hakuna mutu ni alimumu mwa Biblele ya kile a kolobezwa ka Libizo la “Ndate, Mwana, ni Moya o Kenile.”

<sup>20</sup> Hakuna batu babakile ba kolobezwa cwalo kufitela kuongaonga kwa keleke ya Katolika kwa Lao- . . .Lao-Nicaea, Lao-Nicene Katengo kani kwa Lao-Nicaea, Rome. Kwani ki kona koo mutu wa pili akile a kolobezwa, ka kuitusisa malumbatina.

<sup>21</sup> Mutu yomuñwi na ni bulelezi cwana zazi leliñwi. Se nili, “Ki hande, haiba . . .Mu ‘Mulena Jesu,’ leo kona Libizo la Hae.” Mi ali . . . “Ki hande,” Se nili, “haiba mutu aka taha ku wena . . .”

    Mi ali, “Hani sepi kuli kuna ni shutano ni yekana.”

<sup>22</sup> Ne ni tilo mu swasa fela mwa tuto ya hae. Se nili, “Haiba mutu na ka taha ku wena mi uli, ‘Ni kolobelizwe ka Libizo la Palisa ya Sharoni, Mulilima wa mwa Mukulo, ni Naleli ya Lilungwe,’ kana no ka li ‘amen’ ku seo?”

    Ki hali, “Batili, sha.”

    Se nili, “No ka mu . . .No ka mu kolobeza hape nji?”

    Se nili, “Eeni, sha.”

    Se nili, “No ka mu kolobeza cwani?”

    Mi ali, “Ne ni ka mu kolobezwa ka Libizo la ‘Ndate, Mwana, Moya o Kenile.’”

<sup>23</sup> Mi se Nili, “Kona mone Ni ka mu kolobezeza ni na ona cwalo, eehe, ka Libizo la Ndate, Mwana, Moya o Kenile.” Se nili, “Cwale, ‘Palisa ya Sharoni, Mulilima wa mwa Mukulo, ni Naleli ya Lilungwe’ ha ki libizo.”

    Mi ali, “Yeo ki niti. Ki lilumbatina.”

<sup>24</sup> Se nili, “Kona mo ku inezi ni ku ‘Ndate, Mwana, ni Moya o Kenile.’ Cwale Ne ni ka mu kolobeza ka Libizo la Ndate, Mwana, ni la Moya o Kenile; mi Libizo la Ndate, Mwana, ni la Moya o Kenile ‘ki Mulena Jesu Krete.’ Luli. Kacwalo Ni li . . .” Mi a bona, mulumele, kamba nee.

<sup>25</sup> Neli Muzwale Joseph Mattsson-Boze, wa kwa Chicago, mutangana ya tata hahulu ku be Ni kile na fumana yana kuli ni mu kolwise, ka zona. Mi Ni sepa kuli Nina ni ba baeza sili kamba fo sauzande babana ni ku kolobezwa cwale, ha Ni kaya kwa Africa ni yena, ni ku yo kolobezwa sinca hape.

<sup>26</sup> Cwale, kacwalo lu itumezi ka Liseli la Evangeli. Mi kacwalo he, Jesu naize, ha Nali fa lifasi fa, “Na, se Ni utwa, kona se Ni bulela.” Mi cwale Ni ka bulela kuli . . .ka nako yetatama ya luna, mwendi ka mizuzu ye lishumi, kamba lishumi ni ye ketalizoho, ona fa Ni si ka nga kale palo ya ka, mi ki palo ye kuswani luli, mi fo lukaba ni mukoloko wa kulapelela. Ni fitile fa sibaka sesiñwi mwa bulumiwa bwa ka, fo Ni ba ya . . .Ni na ni ku—ku bulela nto yeñwi. Mi Ni . . .

27 Jesu na bulezi. Kuli sa Na utwile, kona sa Na bulezi. Mi Na ize kuli, “Ni mi bizize balikani ba Ka, mi mulikani ki mutu ya bulelelanga balikani ba hae lika kaufela.”

28 Paulusi naize, mwa Likezo 20:27, “Hani si ka mi patela ka za ku mi bulelela Mulao kaufela wa Mulimu.” Mwabona?

29 Mi Nina ni ikopanye ku yena, busihu bo, mi ni bulele nto yeswana hamoho ni yena muhalalehi wa kale yani. Kuya ka swanelo ya zibo ya ka, Hani si ka. . . Hani si ka pata, kono ni bulezi ku mina Mulao kaufela wa Mulimu.

30 Yomuñwi na sweli ku liza yeñwi ya matepu, zazi leliñwi. Mi kakuli ne si nyemisize yomuñwi, ba mu kunupa mwa lihaul, mi musali a holofala.

31 Kacwalo mwendi ka zazi leliñwi Ni ka bona bupaki bwaka. Kono nako yeo ha ika taha mi seli. . . Ni ka be niitukisize kuya. Kufitela nako yaka i taha, hakuna se si ka ni holofaza kufitela nako yeo. Mwabona?

32 Cwale, lu lumela mwa Evangeli yeswana, ona cwalo fela Bible mo ñolezwi. I nongile hande. Mi—mi haiba tobolo inongile hande nde, mi i mwa swanelo; haiba ika nata fo inongile lwa pili, ika nata fateni lwa bubeli, mi ni nako ifi kaufela.

33 Haiba kota, kamba mutai, lisina, ubeya mutai, mi ni mutai wani ubeya muselo omuñwi; nako yetatama mu—mu lisina ha li ka shoshelisa mutai omuñwi, uka beya muselo wa mufuta o swana.

34 Mi haiba Jesu ki yena Lisina la kota, mi luna lu mitai; mi Mutai wa pili, Keleke, ono beilwe ki Lisina lani, neba ñozi Buka ya Likezo mwa mulaho wa ona. Mi ni Mutai wa pili wani no kolobelize ka Libizo la Jesu Kreste. Mi ki bene bana ni Mulimu mwahala bona, mi bao ki bene ba ezize lika ze swana mwahala bona za Na ezize ha Nali fa lifasi mubu fa. Kona kuli, sicaba sa to ba lemuha, niha ne bali litimbi baba si ka ituta, kuli nebali ni Jesu, kakuli Bupilo bwa Hae nebuli mwahala bona.

35 Sina ha Ni bulezi, hane Ni kaba ni moya wa—wa Beethoven ku na, Ne ni ka ñola lipina. Haiba Beet-. . . haiba Ni. . . Haiba Beethoven na pila ku na, Neni kaba Beethoven. Mwabona?

36 Haiba Shakespeare na pila ku na, Neni kaba Shakespeare. Ne—Ne ni ka ñola litoko, ni—ni—ni lipapali, ni zeñwi cwalo, haiba Shakespeare na pila ku na.

37 Mi haiba Kreste upila ku na, mu kaeza misebezi ya Kreste. Ku cwalo. Ina ni kuba cwalo. Mi Kreste ki sikamañi? Ki Linzwi. Na ize kuli, “Haiba muina ku Na, Linzwi la Ka liina ku mina, kona kuli mukupe se mu lakaza; si ka eziwa.” Kakuli, Linzwi liteñi, li tokwa fela Liseli; mi ni Liseli kona leli Li pilisa.

38 Kacwalo he Ni ka bulela nto yeñwi ku mina, cwale, ye Ni si ka bulela kale fateni nako ye kaufela. Mi, seo ki, yona nto ye lubile lu libelela fa nako yetelele hahulu (mane seli kufitelela

myaha ye miñata, myaha yemine kamba ye ketalizoho, kamba mane mwendi kufitelela), ki Kuhoha kwa Bulalu, cwale se ku pakilwe, mi Ni ziba hande kuli kaufela mina mwa ziba zeo sili sona.

<sup>39</sup> Cwale muhupule, hakuna kuba malikanyiso a sani, kakuli hasikoni ku likanyiswa. Mwabona, hasikoni ku likanyiswa. Cwale fa siteni. Mi Ni nani. . . Ni lemusizwe ka nto ye, kuli cwanoñu. . . Ka yona nako ye fa ku ezahalile, kuli si pake kubateni kwa sona mwahala mina, mwabona, kono hasina kuitusiswa ka mukwa o mutuna konji pili Katengo kani ka kalise kuswalana hamoho. Mi haka ba cwalo, sani ha si ka ezahala. . . Mapentekota, ni babañwi cwalo, bakona kulikanyisa sika kaufela se si kona kuezahala. Kono cwale nako yani haika taha, ha ku ka taha nyandiso, kona fo mu ka bonela, se mubile mubona swalelele fela, ha si ka iponahaza mwa mutalelele wa mata a sona. Mwabona? Mwabona? Mwabona? Mwabona?

<sup>40</sup> Cwale Ni lukela kuzwelapili mwa kuhasanya evangeli. Kuya ka mo ne Ni fezwi tumo, pili, Ni lukela kuzwelapili ona cwalo. Kabakaleo, mubile ni Linzwi, mi mwa ziba se mulukela ku bata, mwa ku yemela. Na ni lukela kuzwelapili mwa kuhasanya evangeli. Mi, balikani baka, muine mukuzize, mi muzwelepili fela kuya, kakuli hola isutelezi kapili, mwabona, fo taba yeñwi haita ezahala.

<sup>41</sup> Cwale, mwa kona kubona lika zeñwi ze ipitezi ha lika ezahala kuna. Hakuna sibi fateni; Hani talusi seo. Kono, Ni talusa, sika sa buipiteli kuya ka ze sweli kuezahala ze zibahala. Kakuli, fo se Ni fitile cwale, mwa bulumiwa, Ni tulukela ona fa, ni talimezi yona taba yani ni kulibelega nako ye ni ta itusisa sona. Kono, sika itusiswa.

<sup>42</sup> Mi mañi ni mañi kaufela wa ziba cwalo, kakuli, ka kusepahala fela sina sa Pili mone si lemuhezwi, kona mo si zibahalezi ni sa Buleli ona cwalo. Mi haiba muka nahana ka tokomelo luli, mina babali ba moya. Sina Bibe mo ibulelezi, “Ki se siemba sa yana ni butali.” Sa Bulalu ni sona si zibahalile ka swanelo. Mwabona? Lwa ziba ko siinzi. Kacwalo, Kuhoha kwa Bulalu ki kwa kuteni faa.

<sup>43</sup> Ki nto ya butokwa hahulu, kuli, Hani lukeli kubulela hahulu zeñata ka yona. Sina mwa Na ni bulelezi kwa makalelo, kuli, “Se, usike wa bulela sika ka sona.” Mwa hupula sani, lilimo za kwa mulaho? [Kopano ili, “Amen.”—Mu.] Sa ipulela ili sona. Mwabona? Kono mina. . . Ni likile kutatulula litaba zeñwi, mi Ne ni ezize mafosisa. Ye ikaba yona taba, kuli, kuya ka muhupulo wa ka. . . Hani buleli kuli Mulena uni bulelezi ze. Ye kona nto ye ka kalisa tumelo ya Kuungelwa, kwa ku shimbiwa. Mwabona? Mwabona? Mi ika. . .

<sup>44</sup> Ni lukela kukuza pili fa nako nyana. Cwale muhupule, ni baba teelega kwa tepu ye, mukasana mubona cinceho ye cwalo

mwa bulumiwa bwa ka ona cwanoñu nyana fa, hainze i tuluka, isiñi ku pahama; ki ku tuluka. Se lu fitile fa lusika lwani cwale, mi ha ku konahali kuba cwalo, haku konahali ku zwelapili kwa pata hape. Luna ni ku libelela fa muzuzu pili kufitela seo si ezahala *kwanu*, kuli lu lemuhe, mi kona ku ka taha nako. Kono, si i ponahalize ka swanelo luli.

45 Kuna ni nako yetaha, mwa naha mo, fa kuli naha ye ika peta mata kaufela ao sibatana ne si nani ka nako ya pili, yene li Rome wa buhedeni fani haifetuha kuba Rome ya bu popu, mwabona, ki kuli naha ye ika eza ona cwalo.

46 Sinulo 13 ya tatulula fo kusweu twaa. “Ngunyana ne izwile mwa mubu. Sibatana sesiñwi sa zwa mwa mezi,” ki buñata ni siimpiti sa batu. Ngunyana ye ne itile kone ku sina batu. Ngunyana i yemela bulapeli. Yona Ngunyana ya Mulimu. . . Mi, muhupule, ne si bulezi inge ngunyana. Ne li ngunyana.

47 Mi cwale, kasamulaho nyana, sa to- . . . amuhela mata, mi sa bulela sina drakoni; ni kueza kaufela lika—lika za drakoni, ona mata ao drakoni neina ni kwa makalelo. Mi *drakoni* ki “Rome,” kamita. Konakuli ha mubona nji? Kopano ya si Roma; “ki nombolo,” Kopano ya Baipanguli; “ili siswaniso sa sibatana,” kueza mata a ka hapeleza Baipanguli kaufela, kuba sina tamahano. Muka lukela kuba mwa Katengo ka Likeleke kao, kusi cwalo hamuna kuba ni liputeho. Kamba kuba—kuba. . .

48 Kihande, ki—ki cona mo kuinezi ona cwalo cwale. Hamukoni kuya kwa keleke ku yo kutaza konji haiba muna ni kadi ya puteho kamba zibahazo yeñwi cwalo. Mi cwale, fa batu sina luna, luka pumeha ku zeo kaufela, hamoho, yeo ki niti, kakuli habana ku kona kueza zeo.

49 Za swalana. Mi cwale nako yeo haika taha, mi sicaba sitahanga fa sibaka fa kuli mu titihani, mi kipeto ha mubona se Ni bata ku mi bulelela mwa mizuzu ye likani. Mutalime Kuhoha kwa Bulalu cwale, mwabona, mi ikaba kulateha ko ku tunatuna hakalo, kono ku—ku kaba ku Munyaliwa ni kwa Keleke.

50 Cwale lu fa kaufi luli kufita mo ne kubelanga sapili. Ha ni zibi kuli ki lili, kono seli bukaufi, kaufi luli. Hakulata ni yaha mutomo wa kuli yomuñwi ato pahama fateni. Na kona kungiwa nako yani isika fita kale. Ha ni zibi. Mi hakulata nako yani ikona kuba yona biki yetaha ye, foo Moya o Kenile ha u ka taha ni. . . ni kutisa Kreste Jesu. Wa kona kutaha ona biki yetaha ye. U sa kona kutaha neba ona busihu bo. Ha ni zibi nako Ya taha. Ha lu bulelelangi zeo.

51 Kono Na lumela, kuli lu se lu sutelezi luli, kuli Hanina kushwa ya supezi hahulu. Kono, nina ni myaha ye mashumi aketalizoho ka amane a kupepwa, Hanina kushwa ni li musupali hahulu, kufitela A ba faa. Mwabona? Mwendu ba Ni kunupe, kubulaiwa, kamba nto yeñwi cwalo, ka nzila yeñwi kubulaiwa

cwalo, haili busupali fela habuna ku ni bulaya, kufitela A taha. Mi Na lumela cwalo.

<sup>52</sup> Mi Ni bata kubulela cwana. Nali kuba ni bulele cwalo fateni. Kono kuya ka Mañolo, kuya ka sa Na bulezi myaha ye mashumi amalalu kwa mulaho; myaha ye mashumi amalalu ka zetalu kwani kwa nuka, ka 1933, nitaluse; za Na bulezi, lika kaufela li ezahalile ona cwalo luli. Na hanikoni ku li eza, kono Liñusa le li ka zibahalisa Jesu Krete kwa lifasi. Kakuli, “Sina Joani Mukolobezi mwa na lumezwi ku to etelela kutaha kwa makalelo, kona ni lona Liñusa mo li ka etelela Kutaha kwa bubeli.” Sina Joani hana bulezi kuli, “Amubone Ngunyana ya Mulimu ye takula sibi sa lifasi.” Mwabona? Kacwalo, ne, si zamaelezi hande mwa nzila kaufela. Mi Ni ziba kuli si ka zamaelela, Liñusa li ka zwelapili.

<sup>53</sup> Cwale, se kubile lika zetuna ze sweli kuezahala mwahala musipili. Kakusasana wo Ne nina ni li lipuzo ni likalabo mwa sibaka se mo. Mi ni—ni mutangana yomunyinyani, wa libizo la Autry, usali teni mwahala mo busihu boo. U zwelela kwa San Antonio, Texas. Na tilo buza haiba. . . luya lili kwa Dallas, haluka zwa kwa California; mi haiba neluka kona kuba ni busihu bulibuñwi fa tabernakele ya bona, mwa busihu bulibuñwi fela. Mi ba sweli ba libelela, mwa lizazi lelitatama kamba amabeli, kubona haiba lwa kona kueza cwalo. Mi na sweli ku ni bulelela ka za . . . Nali kuba ni be kwa San Antonio kuzwa ka mukopano wapili wani.

<sup>54</sup> Cwale, mukopano wapili, Hane ni tile kwa San Antonio. Nenili kwani, Na sepa, ni Muzwale Coote mi ni—mi ni Sikolo sa Bibeles sa Linaha kaufela. Ni libezi muyaho mo ne lubezi ni sebelezo kuona. Mi neli busihu bwaka bwapili kamba busihu bwa bubeli, Ni sepa ki busihu bwapili, Hane ni zamaya kuya kwa pata, yomuñwi ato nanuha mwa muyaho, na inezi kwa mulaho, ki a bulelela ka malimi, mane inge—inge tobolo yetuna yekunupa. Mi na sikanga nako yetelele atoina fafasi, neli muzuzu kamba yemibeli fela, kufitela alimuñwi ato yema kwa katala ku fa toloko.

<sup>55</sup> Mi Na yema, ka sa na bulezi. Mi se Ni bulelela muuna yani kuli, “Kikuli wa mu ziba muuna yo nji?”

Ki hali, “Batili, sha.” Mi ki hali . . .

Se nili, “U tile cwani kwanu?”

<sup>56</sup> Ki hali, “Batu bo Ni belekela, neli kwa . . . neli kwanu busihu boo, mi ba ni tisa.” Ki . . . nali mulisana wa likomu.

Mi se Nili, “Ki sikamañi so eza?” Mi ali . . . “Kana wa mu ziba nji?”

<sup>57</sup> Ki hali, “Batili, sha. Nali kuba ni mu bone fateni.”

<sup>58</sup> Mi se Nili, “Ki wena mañi?” Mi nali mu—mu mulekisi wa libyana mwa muleneñi.



59 Mi sene ba bulezi mwa—mwa...Cwale, Na kamita ne nibanga, Ni si ka zibisisa kale hande, Ne ni sabanga kubulela ka malimi; Ne ni hupula kuli buñata bwa ona ki a nama fela, mi kwakona kuba cwalo. Kono cwale se hane si bulezwi, toloko yani neli ku zamaelela hande ona cwalo ni sene li bulezi Lingeloi la Mulena kwani kwa nuka, myaha ye lishumi ka iliñwi kusi ka ba kale zani, “Sina Joani Mukolobezi ha na lumilwe ku etelela kutaha kwapili kwa Kreste, wena u lumilwe ku etelela kwa bubeli.” Mwabona?

60 Mi nekuli cwalo, mi Lingeloi lani, ki lona Liseli lani le li zibahalile hande ka bukwala. Hamoho cwalo ka keleke, ka Linzwi, ka sayansi, ni lika kaufela, li zibahalize cwalo. Ona Liseli lani, kakuli neli lwa pili ha Li bonahala mwahala sicaba, inze li yemi ona fo ne Ni yemezi; neli ka nako ya tuu kiloko mwa musihali, kwa njetumuko ya mutano ona kwani, ona kwanu kwa njetumuko ya nuka ya Spring Street, mwa mezi. Cwale, seli lilimo zeñata, ñata kwa mulaho. Mi ona cwalo se ne Li bulezi, si ezahalile, kuya ka swanelo.

61 Muzwale yo fa na ni bulelela, kakusasana cwana. Na nyezi musizana wa mwa keleke ye mo, mwana musizana wa Kezeli Noyes. Mi ha Ni zibi, Ni sepa kuli mucaha... Kikuli uteni mo, Muzwale Autry? Hani zibi. Na zwelela kwa San Antonio. Hani zibi haiba uteni mo kamba nee. Naliteni mo kakusasana kacenu. Mi na sweli ku ni bulelela. Ni lumela kuli neli bo kuku wa hae ba baana, ka nako ya mukopano wani, neli ba kanono bupilo bwa bona kaufela, mi batiswa kwani.

62 Yani neli ya Pili, makalelo a bulumiwa, hane Si bulezi cwalo, mi temuho neibeya mazoho a bona ku aka, mi sene si bulelwa neiba ona sene sili sona. Mi ne Ni mi bulelezi, mi babañata ki lipaki busihu boo, kuli nekuna ni kuto ezahala kuli ni ka ziba likunutu za lipilu za bona. Mwa hupula cwalo, li si ka ezahala kale? Mwendi lilimo ze ketalizoho kamba ze silezi kasamulaho, sani sa to ezahala; kwani neli kwa Canada, ka nako ya teni ya pili, mi sani sa to ezahala. Mi ki Hali, “Haiba u ka zwelapili kuba ya sepahala, ikana i zwelapili ona cwalo.” Mi cwale nto ya Bulalu i ezahalile, mwabona, i sweli kutundamena kuzwelapili ona cwalo.

63 Mi a bulela kuli bo ndatahe ne ba tisizwe mwa mukoloko, mi ba bulelelwa ka za kanono kao, ni lika zeñwi, mi ni tapelo ya fiwa ku bona. Mi seli lilimo ze lishumi ka ze silezi kwa mulaho, Na sepa ki cona, seli lilimo ze lishumi ka ze silezi kamba lishumi ka ze supa kwa mulaho. Mi ubulela kuli ali kuba abe fateni ni kunyakaula kuzwa nako yani. Mi u sutelezi bukaufni ni lilimo za kupepwa ze eite faifi, mi ali kuba abe ni kunyakaula fateni kuzwa nako yeo. Ki sikamañi seo? “Jesu Kreste ki ya swana maabani, kacenu, ni kuyakuile.”

64 Kana Margie Morgan uteni mwahala mo? Kezeli Margie Morgan, kalibe yana cilwe ki kansa; ki nasi. Ki babakai baba hupula Kezeli Morgan? Haiba uteni mo, hakoni kukena mwahali. Na kula. Mwa bona, fa mukoloko wa kansa mwa Louisville, musali yani sa shwile seli lilimo ze lishumi ka ze silezi, lishumi ni ze sapa, fa mukoloko wa bakuli ba kansa mwa Louisville.

65 Fani Jim Tom Robertson, muyemeli wa kuta, muyemeli wa Mukreste, ha na utwile ka zeo, aya kwa Sipatela sa Baptist, ku yo bona ni kutatuba haiba nekuli hande, kakuli bo ndatahe bateni mwa katengo, ki basepahali kwa Sipatela sa Baptist. Mi ba batisisa taba, mi musali yani na lukela kuli ashwe, lilimo za kwa mulaho. Mi uswile ku belekela musebezi wa bunasi mwa Jeffersonville, mwa sipatela. Fani hana yemi fa, inge ba mu swalelezi kuli ayeme, mane na sa zibi mane ni haiba yena. Kono neli kuli KISONA SA BULELA MULENA, mi wa pila. Na ilo ngela bunasi, mwa Louisville.

66 Mi mutangana yomuñwi kwanu, kwa sibaka sa Schimpff sa Maswiti. Kana Bo Schimpff muteni busihu boo? Ni ka tabela kuli ba kandeke bona, haiba bateni mo. Sonny Schimpff, ki muuna ya tiile hande. Linako zeñata hane Ni banga fa . . .

67 Hani latangi ku bulela cwalo, kono ki niti. Pop na ni fanga kapene nyana haiba Ni beleka biki mutumbi, mi kipeto Na taha ku to yendeka njinga yaka kwa sibaka sa Muzwale Mike Egan, alimumu wa basepahali kwanu. Ni Jimmy Poole, Ni sepa kuli mwana hae wa mucaha uteni mo busihu bo; Jim ni Na, ni Earnest Fisher, mi ne lu yanga mwa tolopo kwani, ni kuya kwa kubuha maswaniso ka sheleni yenyinyani hahulu ya muwayawaya, mi ne lu bonanga maswaniso asa zamayi akale. Neluli banana babanyinyani, mi ne lu bata kuba, ba lilimo ze eiti, ze lishumi za kupepwa. Ne luna ni yani William S. Hart. Buñata bwa mina mutangana mwa mu hupula, ki mubapali wa kale. Maswaniso asa zamayi; mi ne Ni sa koni kubala. Ne ni buhanga fela ze ne ezahala. Mi ne ni sweli kupeletelanga fela lika kaufela, kono ne Ni sa koni, kono Ne ni talimela sa na sweli kueza.

68 Mi kipeto Niba ni sheleni nyana. Mi ki babakai baba hupula ka zakuba ni kapene ka kulekisa aisi kirimu? Ku lukile. Ne ni lwalanga ma aisi kirimu amalalu, ni tupene totubeli to tukona kuleka lico ze baba mbilimbili. Ne ni sa koni ku swala aisi kirimu, kacwalo ne Ni icelanga zona. Ni kuba ni tupene totubeli twa lico zena ni mbilimbili, ikona kuba licika la paundi la lika zani. Mi ba Schimpff ne ba li papanga. Mi kipeto Ni kena mwahali mwani, ni kuina inge ni talimela William S. Hart.

69 Mi mutangana yo, na hulile nyana ku Na, mi na bitezwi fafasi ka matuku, licaziba ze ketalizoho zani za mwa Louisville ne ba mu palezwi, nana ni buima bwa lipaudi ze mashumi amane ka ze ketalizoho, mi na shwa. Musala bo Morgan ki yena yana mukulisa. Mi nali mwa butuku luli! Nana ni lika zeñata hahulu;

libiti za hae ne li yongile, mumizo wa hae no yongile. Mazoho a hae amanyinyani na luluhile kaufela ona, mi na lobezi fani *cwalo*, inza shwa.

<sup>70</sup> Mi Musala bo Morgan na bizizwe kuli a tahe kwa musebezi. Kacwalo ali ku yena, “Neni li mukuli wa kansa nako yeñwi,” mi akala ku mu bulelela.

<sup>71</sup> Mi ali, “Ki mañi yo no bulela, Billy Branham? Kiñi,” mi ali, “Ni mu lekisize lico za mbilimbili zeñata ni aisi kirimu.” Na ize, “Hani zibi haiba wa kona ku to ni lapelela?” Mi Na yo lapelela Junie Schimpff.

<sup>72</sup> Mi cwale haiba mubata kuli muambole ni yena, ki ba Schimpff Candy ona kwanu, ki minyako fela o tatama, kamba ki wa bubeli kuzwa ku LeRose Theatre, ha mu shetumuka mwa mukwakwa. Schimpff Candy, kaufela mo mwa ziba ko li fumaneha zani. Mawi, ki iliñwi ya lintolo za kale mwa Jeffersonville.

<sup>73</sup> Mi hana lobezi mwani, inza shwa, mane ni licaziba za milyani ba mu tomela fela lihola za ku pila. Neli ku KISONA SA BULELA MULENA, “Hauna ku shwa; kono uka ni lekisa nama ya mbilimbili hape, kwa sibaka sa malekisezo a hao.” Kale . . .

<sup>74</sup> Ne ni zibile kuli natilo fola, kono kasumulaho wa nako na libala ka zona. Mi musala ka ni Na nelu shetumuka ku yo leka maswiti, hane lu fitile kwanu ka nako ya Kilisimasi. Mi cwale, Ha ni zibi, kuli haiba lukile lwa hupula sibaka sa Schimpff. Kakuli, hañata, muye ku yeñwi ya lintolo ze lekisa milyani ze mi mu yo ikungela zona, kono se lu yema kwa pata a sintolo sa Schimpff.

<sup>75</sup> Hane Ni keni mwahali, kezela hae a talima, mi ki hali, “Kihande, Muzwale Branham.” Mi ali, “Wa mu hupula Junie?”

<sup>76</sup> Se nili, “Eeni.” Mi fani, nekuna ni mutanga yomutuna, ya tiile, ya bonahala kuiketa hande.

<sup>77</sup> Mi se Ni ya kwa pata kwa lilekisezo, na talimela fateni, na talima fafasi sina *cwana*. Se nili, “Ni kaba ni paundi ya nama ya mbilimbili yeo.”

<sup>78</sup> Mi ki hali, “Eeni, sha.” Kacwalo, kezela hae na sweli ku libelela musala ka. Mi, kacwalo, aba lukulula.

<sup>79</sup> Mi se Nili, “Neni li canga, linako za kale koo, ona mwa ponahalo ya siswaniso se”; na inamela fafasi.

    Mi ki hali, “Eehe,” ali, “buñata bwa banana ba lekanga zeo.” “Basa lekanga ni nako ye,” Na bulela.

    Mi ali, “Bo ndate kona bene ba ezize zeo, ba ku tisa mukwa wo.” Se nili, “Na li lata luli.”

<sup>80</sup> Cwale, kasumulaho amino feza hande ni ku ni tambeka zona, ali, “Kana kusana ni taba i sili hape?”

Mi se Nili, “Ha ni zibi,” mi na nanuha. Oh, mawi! Mi ali, “Muzwale Branham!”

<sup>81</sup> Se nili, “Ki ye nama ya mbilimbili, yene, Ni ku bulelezi, ‘KISONA SA BULELA MULENA,’ seli myaha ye ketalizoho kwa mulaho.”

<sup>82</sup> Mi ali, “Muzwale Branham, Ni folile hande nde, hakuna neba butuku ni bo bukana. Ha ni utwisisi hande mwa zebe iliñwi.” Ni sepa kuli uzamaela mwa myaha ye mashumi a ketalizoho cwalo. Ali, “Ha ni utwisisi hande mwa zebe iliñwi, kakuli ne ba ni file hahulu milyani yemiñata hane Ni li kwani.” Muhau o komokisa wa Jesu Kreste!

<sup>83</sup> Cwale ha Nina nako yeñata cwale ya kubulela zeñwi hape, kono Ni—Ni—Ni bata kubulela cwana.

<sup>84</sup> Ki babakai baba hupula ka za tumale? [Kopano ili, “Amen.”—Mu.] Ku lukile. Lani neli Liñolo le li komokisa, mwa bupilo bwaka, le ne Ni—Ni sa utwisisangi.

<sup>85</sup> Mi nekuna ni leliñwi lene li ni komokisanga, fani Mushe hana bulelezi Mulimu nzila yende kufita Mulimu mwa na zibezi za kueza, fani Mushe hana ize, “Sicaba si ka bulela kuli, ‘Mulimu wa mina ukonile ku mi lamulela kuzwela kwande, kono upalezwi ku mi uta,’” mi Mushe a ipeya ili mwa pakani. Mi kasamulaho Na fumana kuli, Mushe, yani neli Kreste ku Mushe, ya na yemela sicaba. Mwabona?

<sup>86</sup> Kacwalo he fa Liñolo le, lene Ni sa kutazangi sesiñwi ka lona lelili, “Ha mu ka li kwa lilundu le, ‘Shenya.’” Mi mwa ziba likande, kacwalo Ni ka fitelela sani. Cwale, ne Ni sa zibi kuli sani ne si isa kai. Mi Ni sepa kuli Muzwale Wood ni Muzwale Fred, ni babañwi, mi mwa muyaho mo, bene ba liteñi zeo ha li ezahala, kamba kasamulaho nyana fela limana kuezahala kafani.

<sup>87</sup> Mi Muzwale Rodney ni Muzwale Charlie, ya zwa kwani kwa Kentucky, Kezeli Wood cwale muzwale wa hae ni babañwi ne ba liteñi hane li ezahalile kwani kwa Kentucky, yeneli nako ya bubeli ha li ezahala. Neli kubulela fela lika inze li iponahaza, lika ze ne siyo. Mwabona? Kubulela, ka nako kaufela, ni kuyemelwa ki Mañolo, kususueza.

<sup>88</sup> Nako ya bulalu ha si ezahala neli ku Hattie Wright. Kana Hattie uteni mo busihu boo? Yani ki wa Edith. . . Ki babakai baba ziba Hattie Wright? Muzwale Wood ni Na ne luli teni ha si ezahala, mi cwale Moya o Kenile ha utoli, “Mufe sa bata,” mi nelu sweli kubulela ka zona, ka mo ne tutezi tumale twani kuli tube teni.

<sup>89</sup> Mi se Nili, “Kana, kona fela nto yeli yona, Yena ki Jehova-Jaire. Ona fani fela Abrahamama hana tokwa totolo, Mulimu amufa totolo. Mi Atisa tumale. Wa kona kubulela mi kamala ka ba teni, kakuli Yena ki mubupi, ona cwalo fela sina mwa Na bulelezi ka

za totolo. Abrahamana na si ka ikupa. Na ya fela ku yo eza ona cwalo, kono ne ku bonisize kuli Jehova-Jaire na liteñi.”

<sup>90</sup> Hane Ni bulezi cwalo, musali ya ishuwile yo munyinyani. . . Ka nako yapili se ha si ezahala, kona Kuhoha kwa Bulalu, ku mutu, nali yomunyinyani, musali ya ishuwile.

<sup>91</sup> Yani, mwendi na kona ku fumana mali akuma fa madollar a mianda yemibeli ka silimo, kuli aipilise ka ona, kona za na fumana mwa kasimu ka hae kakanyinyani. Muuna hae na sa shwile; bana bababeli bene ba fetuhile libangoki. Mi ataha ku to beya mali akuma fa madollar a mashumi amabeli, a sani, kwa muyaho wa Tabernakele ye. Mi Meda na ni file masheleñi nyana kakusasana wani kuli ni leke za kuitusisa, neli madollar a mashumi amabeli, mi ne Ni ka mufa yona zazi lani, hane Ni sali fani, kuli asike a lifa sani. Kono na ihanile. Mi cwale. . .

<sup>92</sup> Na inzi kwa mulaho mwa lilulu, mi hane Ni bulezi kuli, “Nto fela ye Ni ziba, kikuli, Yena u sa li Jehova-Jaire.”

<sup>93</sup> Mi Hattie yomunyinyani abulela linzwi leli lukile. Ki hali, “Taba yeo hakuna cwani kamba cwani kono ki Niti.”

<sup>94</sup> Mi cwale ha natilo bulela cwalo, Muzwale Banks Wood fa ki yena yana liteñi, sibaka sani sa to utwahala inge kuli sa i kaba fahali. Mi Moya o Kenile wa bulela kuli, lona Linzwi leli swana lene li bulezi ka za tumale, lali, “Mufe sa ka kupa.”

<sup>95</sup> Mi se Nili, “Kezeli Hattie, kakuba paki fapila Mulimu, ye ki niti. Cwale, haiba kuna ni kukakanya mwa munahano wa hao, kupa kaufela so bata, mi haiba hasina kutaha fa mautu a hao, konakulii Ni mupolofita wa buhata.”

<sup>96</sup> Ki hali, “Muzwale Branham.” Mutu kaufela na sweli kulila. Ali, “Ki sikamañi se Ni ka kupa?”

<sup>97</sup> Se nili, “Wena u mubotana, mi upila fa lilundu kwa neku lale, hauna masheleñi; wa kona kukupa seo. Una ni kezeli yomunyinyani, wa sihole ya inzi fa, Edith, yene lu lapelezi, seli myaha nyana cwalo; wa kona kukupa foliso ya hae.” Se nili, “Bondataho ni bomaho ba supezi mi haba ikoneli; wa kona kuba kupela kwateni. Kaufela so ka kupa, Kezeli Hattie, ubone haiba hasina kuezahala kamba nee, ona fa cwana.” Mi se Nili, “U ni bulelezi fela, lona Linzwi leli swana lani, kuli, ‘Umufe sa ka kupa.’”

<sup>98</sup> Mi ki ha talima kafa ni kafa, ali, “Ki sikamañi se Ni ka bulela, Muzwale Branham?”

<sup>99</sup> Se nili, “Bulela sesili takazo ya hao. U nahane fa takazo ya hao yetuna hahulu, mi u i bulele.”

<sup>100</sup> Mi bashimani ba hae ne ba sweli ku mata mata inge ba seha seha. Mi ki hali, “Takazo yetuna hahulu ye Ni nani ki puluso ya bana baka bababeli ba bashimani.”

101 Se nili, “Ni ba fa ku wena, ka Libizo la Jesu Kreste,” mi kwa ba ona cwalo.

102 Mi ba bile baba sephala mwa keleke mo, ka mulalelo, ona micaha babanyinyani bani ka za kutapisa mautu, ni lika ze cwalo. Luna kaufela lu lipaki za litaba ze.

103 Nana ni keto ya luli. Bomahe neba na ni ku shwa, ni yena una ni kuba cwalo, kaufela bona. Kono sa na kupile sikaba sa Kuyakuile, ni puluso ya bana ba hae. Yani neli nako ya bulalu ha si ezahala.

104 Nako ya bune ha si ezahala, Ne ni tatuluzi fela ka nako yefelile hane Ni li kwanu, neli fa halimu a lilundu kone kuna ni lihungwa lani mwa butuna. Ki babakai bene ba li utwile? [Kopano ili, “Amen.”—Mu.] Oh, kaufela mina. Ku lukile. Kone kuna ni puka lelituna. Mi Mulimu kakuba Muatuli wa ka na yemi fa, ne ni ya kwa njetumuko ya lilundu. . .

105 David Wood, uteni mo kokuñwi, Na sepa, yana ni ezelize liñende, mi neli nto yeñwi yende hakalo! Ni sepa kuli na sweli ku lika ku ni pangela ye ni kile na pangela bo ndatahe, lilimo nyana kwa mulaho. Nana ni bologna, ni—ni nama ni lika kaufela ye kopani hamoho. Mi se Ni i beya mwa hembe yaka, mi ya nela, mi neina ni liñende lelituna le li lubilwe.

106 Mi Ne ni shetumuka kuzwa fa lilundu. Nekuna ni puka hahulu, Ne ni sa boni mane neba lizoho laka, nekupala. Mi Na ziba, ki nto iliñwi fela, mwa fetulwa, kakuli moya wani nosweli ku pikuluha.

Cwale kuna ni lipaki mo, ba seo.

107 Alimuñwi wa bona ki yomuñwi wa madikoni ba luna baba sephala, yani ki Muzwale Wheeler. Kana u teni mo, Muzwale Wheeler? U inezi kai? Eehe, ki yo fa, Muzwale Wheeler.

108 Muzwale Mann, ki mukutazi wa Methodist ya zwa kwa New Albany. Kana uteni, Muzwale Mann, mwahali mo busihu bo? Hani zibi haiba uteni kamba nee.

109 Muzwale Banks Wood. Kana uteni mi, Muzwale Banks? U inzi mwa sibaka sa ku rekodela. Ku lukile. Ni—ni David Wood.

110 Mi Muzwale Evans naliteni kwani, na lumela. Kana ki niti yeo, Muzwale Evans? Muzwale Evans, ya yemi inza yendamezi kwa limota, naliteni kwani.

111 Mi ni mo ne ba zibahaliselize mwahala mazazi, mazazi amabeli kusikaba kale sani, “Liñungwa lelituna neli kwahezi naha kaufela.”

112 Muzwale Tom Simpson uteni mo busihu boo. Hana zwa kwa Canada, neba mu kupile kuli afitelele kwani kakuli nasike afita ka bunolo, “Liñungwa ne li taha.” Muzwale Tom, kana uteni mo? U kai? Ki yo fa, uinezi ona fa.

Mi kwani malu akwahela. Mi se Nili, “Mizwale. . .”

113 Mañi ni mañi ba matela fande. Nekusina mutu ni yomukana kwa mulaho kwani, mwahala batu baba eza mwanda ku bene bali kafani, nekusina mutu ni yomukana kafani konji sikwata sa luna se si nyinyani ni mulisana wa likomu, mupahami wa zona. Mi neluya ku yo pila kwani.

114 Ne ni bizize Kezeli Evans, mi na mu kupa kuli abize musala ka ni ku mu bulelela kuli a bulelele Tony, “Haiba Ne nisike kuzwa, kipeto yomuñwi atalimane ni sebelezo ya mukushuko wa Baana ba Pisinisi.”

115 Mi fa halimu a lilundu lani—lani ka zazi lani, Na li, “Cwale hane li cwalo, pula nyana ya mafafazani ya kala, kamba sika kaufela, muye kwa mafulo.” Se nili, “Mwahala mizuzu ye lishumi kamba ye lishumi ka i ketalizoho hamukoni kubona mazoho a mina, ona fani puka yani. . . mi ikona ku kolobisa mukamo olikana liñokolwa ze mashumi amabeli mwa nako nyana fa, fa halimu a lilundu.”

116 Mi cwalo kona mo sicaba, ne mu li balile mwa mutende, mone bakutezi kwani ni ku shwa, ni lika zeñwi kaufela. Kono ne lu zibile mwa kuzwela, mi ne ba zibile fo ne lu inezi, mi kacwalo lwa utwa kuetelwa kuli luine.

117 Mi kacwalo fa halimu a lilundu, fani puka yani hane ikalile, Na kala kuya ni shetumuka. Mi Ne nili fela licika la maili kuzwa fo ne Ni kalezi ku zamaya, mi Linzwi la Mulimu lali, “Fetuha u kute kwa mulaho.”

118 Mi Na kutela kwa mulaho sina mwa Na ni bulelezi, kasamulaho wa kulibelela fa nako nyana ni kuca liñende la na ni file David lani, mi na kutela kafani na yo ina fafasi.

119 Mi hane Ni sa inzi fani, ni moya wani u nzo pikuluha ni kufuka, likota ne li yendukezi neku leliñwi, mi puka ni mbundu inge ifefauka ona cwalo, Linzwi la li, “Kina Mulimu wa ze bupilwe.”

120 Na talima mwa halimu, mi Na hupula kuli, “Nesili kai sani? Wani neli moya, mwendi.”

121 Ki hali, “Kina ni bupile mahalimu ni lifasi. Na kuzisa moya o mata fa mawate,” mi azwelapili kubulela cwalo.

Na tula ni ku tubula kuwani ya ka.

122 Mi ki Hali, “Bulela fela kwa liñungwa, mi li ka kuza. Kaufela so ka bulela, sani kona se si ka ezahala.”

123 Mi se Nili, “Liñungwa, kuza. Mi, lizazi, u benye sina kamita mwa mazazi amane, kufitela ha luta zwa kwanu.”

124 Mi Ni mano bulela fela cwalo, nabona puka, mbundu ni lika kaufela za tuhela. Mwa muzuzu kamba yemibeli, lizazi le licisa la monyeha mwa mukokoto wa ka. Na bona moya unzo fuka sina *cwalo*, o zwelela kwa Mutulo, u nzo taha fafasi. . . Ni talusa kuzwa kwa Upa, kuzwa kwa Upa. No sweli kuzwa kwa Wiko;

moya wa cinca mi wa taha neku *le*. Mi ni malu, inge sika sa kunutu, u nzo nanuha kukena mwa halimu, mi lizazi se li benya mwa mizuzu yenyinyani.

<sup>125</sup> Mi Mulena Jesu a ambola kuna kasamulaho nyana, ka za musala ka kwa neku lani, sina ha mu ziba, ili ko ne Ni ile kwani. Hani si kaya kale kwa hae kwa nyakalalo ya kupuzo ya linyalo la luna haisali, mi se lu nyalani lilimo ze mashumi amabeli ka zepeli. Kupuzo ya luna ya pili, ya pili, sinawenga sa luna, kiñi, Ne ni mu shimbile mwa musipili wa kuzuma. Kakuli, Ne ni palezwi kuya mwa musipili wa kuzuma, mi—mi—mi ni kuya kwa kuba ni nyakalalo ya pumulo ya baba nyalani, cwalo, kacwalo Na—Na li beya hamoho. Mi kacwalo, he, mi Ni bile ni zuma kukala ka nako yona yani. Ne ni i kutwile kuba mwa mukwa one Ni mungile ka ona.

Cwale, yani neli nako ya bune ha si ezahala.

<sup>126</sup> Cwale ki ye nto yeñwi ye Ni—Ni bata kubulela, mi Ni lukela kubulela niti fela ka mo iinezi. Seli lilimo ze lishumi ka ze silezi kwa mulaho hane Ni li mwa California ni Muzwale John Sharrit, mi Ne nina ni mukopano. Mi Meda ni Na, mi Muzwale Sharrit ni Kezeli Sharrit, ni babañwi, ne ba pila mwa hotela. Ni muuna ya bizwa Paul Melikian, yana yemi ona mwa Tabernakele mo ka linako zeñata; ki mu Amernian ya fumile. Mi musala hae na puluhile mwana kwani kwa Fresno, California, kone ba pila; mi na taha cwalo, atisa musala hae kafani, mi ani biza kwa hotela, mi ali, “Kikuli Na kona ku tisa musala ka kwateni, Muzwale Branham?”

Se nili, “Eeni, wa kona.” Zazi lelitatama, Ne ni ya kwa Catalina.

<sup>127</sup> Kacwalo atisa musala hae, mi kalibe yomunyinyani yani na kula hahulu! Mi atalima. . . Se nili, “Beya lizoho la hao ku laka, Kezeli Melikian,” Se nili, “luka bona haiba Mulena uka lu bulelela.” Mi hana beile fela mazoho a hae kuna, Na li, “Oh, ki liutu la mabisi.”

Musali ali, “Hani boni lisupo ni zekana.”

<sup>128</sup> Se nili, “U talimele.” Mwa mazazi amabeli, neba mu alafa ka liutu la mabisi lani.

<sup>129</sup> Inge Jimmy Poole yomunyinyani fa, mbututu wa hae yomunyinyani. Zazi leliñwi natile butuku bwa pilu bwani, neba hupuzi kuli, neli kutasezwa kwa butuku bwa kufipelwa mwa sifuba. Mi Na mu beya lizoho. Se nili, “Mu mubona fa mazazi nyana cwalo; una ni butuku bwa mizulusi. Sa taha ona cwalo. Ki fibeke.” Ne ni mu katani busihu bwa maabani. Na bulezi kuli u taselizwe, mubili kaufela, mwa mizulusi. Mwabona?

<sup>130</sup> Cwale, Neni ambola ku Kezeli Melikian, kwa lizoho. Mi ali, “Yeo ki taba ye tabisa, ku tokomela sani, Muzwale Branham.” Mi ali, “Kana seo sa beleka ka lizoho kaufela?”



<sup>131</sup> Se nili, “Kihande, haiba kuna ni se si fosahalile ni mukuli.” Se nili, “Cwale fa, Ni ka beya lizoho la ka fateni,” buñata bwa mina ne muyemi inze mu talimezi zeo, mi ne li si ka ezahala. Na li, “Kwanu, hakuna se si fosahalile ku musala ka, na beya lizoho la hae. . . .”

<sup>132</sup> “Talima kwanu, mulatiwa, beya lizoho la hao ku laka.” U inezi fani, musala ka. A beya lizoho la hae ku laka. Hane ku bile fela ona cwalo, Na li, “Una ni sitombo kwa neku la nzohoto ya kakuli ya busali mwamba ya hao. Una ni butata bwa sisali.”

Mi ki hali, “Hani utwi kuba ni shutano ifi kaufela.”

<sup>133</sup> Se nili, “Kono una ni sona.” Becky nana ni lilimo zepeli za kupepwa. Yena mwanaka wa musizana yana lu lizeza, fa mizuzu ye fitile, nana ni lilimo zepeli za kupepwa.

<sup>134</sup> Lilimo zepeli kasumulaho wa fani, Sarah ato iponahaza, mi cwale. . . . Na tile ka kupazulwa. Mi Na buza Dokota Dillman, yena dokota wa luna kwani mwa—mwa Corydon, kuli, “Hauso mu pazuzi, utalime kwa neku la nzohoto la buino bwa sisali mwamba,” mi aeza cwalo.

Ki hali, “Hakuna se si fosahalile, se Ni boni.” Na beya lizoho laka; ne si sali teni fani.

<sup>135</sup> Lilimo ze ne kasumulaho Joseph apepwa. Na mu kupa kuli atalima fateni hape. “Hakuna sene si fosahalile, kuya ka mo Ni bonezi.” Na beya lizoho laka; ne si sali teni fani. Kacwalo lwa libala fela ka zona.

<sup>136</sup> Cwale se ki nto yeñwi ye Ni lukela kubulela. Hani tabelangi ku si bulela, kono sina ni kuba fela niti, mwabona, mi zeo kona ze mu bata. Kamita mu bulelange niti, hakuna taba ka se si ezahala.

Lilimo za fita, ne lu si ka lemuha sesiñwi.

<sup>137</sup> Mi Ni bulela cwana, isiñi kakuli uinzi fani, kakuli Na li bulelanga neba ha si yo. Mi mwa ziba cwalo. Hani lumeli kuli kwa kona kuba mufumahali yomunde mwa lifasi kufita musala ka, mi Ni sepa kuli yena kamita usiala ali ka nzila yeswana. Mi Ni bata kuna muuna ya likute, mi Ni sepa kuli mucaha kaufela mwa muyaho wo, ha sa nyezi, uba ni musali ya swana sina musala ka. Hani zibi kuli luka pila nako yetelele cwani mwa mukwa wo, kono Ni sepa kuba cwalo ka mazazi aluna asiyezi mwa lifasi. Lubile baba tabile hamoho. Mulimu ki yena yana ni bulelezi kuli ni mu nyale.

<sup>138</sup> Ka nako yeswana, yena na sa zibi, Ne ni lika kuli nisike na munyala; isiñi kuli Ne ni sa mulati, kono Ne ni nahana kuli Hanina kukona ku mu batela bupilo kuli ni muute. Mi nali musali yomunde, mi Ne ni sa swaneli zeo.

<sup>139</sup> Mi aya ku yo lapela, mi a kwalula Bibe. Mi na sepa. . . . Musali ali, “Mulena, Nali kuba ni eze se fateni, kono nife Liñolo

lelika ni tusa. Haiba Ni lukela ku mu libala, Ni ka li libala.” A kwalela Biblele. . .

<sup>140</sup> Mi a ya mwa sipapela cwalo ku yo lapela. Mi ha to apula Biblele, “Malaki 4. Amubone, Ni mi lumela Elia mupolofita ku si kaba. . .” Yani neli—yani seli lilimo ze mashumi amabeli ni zeñwi fa halimu cwalo kwa mulaho, ku sina ku ziba sika ka bulumiwa bwa lizazi le. Mi na ba. . . ne ni si ka. . .

<sup>141</sup> Ne ni lobezi kwa nuka kwani. Mi ki Ha ni zusa—zusa cwale, busihu bulibuñwi, mi Na Mu utwa inza yemi fa minyako wani. Mi ali, “Zamaya u yo munga, mi sinawenga sa mina sikaba ka kweli ya Yenda yetatama ye, la twenty sili.” Mi ona seo kona sene Ni ezize ona cwalo luli. Mi lwa pila ka tabo. Ka sishemo sa Mulimu, lwa li kuba lube ni linzwi li iliñwi. Ubile lizwabande ya latwa.

<sup>142</sup> Zazi leliñwi Na taha. Mi u utile bana ka yena anosi; na ha ni yanga mwa bulumiwa. Ha ki basali babañata ba bakona itiisa ku ze cwalo; mwa ziba cwalo, kwa kona kuba butata. Mi cwale ki ha Ni taha, mi abulela nto iliñwi kamba i sili. Lwa ba ni Joseph kwa mulaho kwani, mi yena ki. . . Yena luli ki mushimani! Mi na tusize ka za ku beya milili ya limbi mwa toho ya bomahe, sina mone Ni ezelize. Konakuli nali mushimani ya kwanile luli, mi a eza nto ye maswe luli. Mi Nali ku yena. . . Mi ali kuna, “Bill, mufe tuto umu nate.”

Se nili, “Hani koni kueza zeo.” Mwabona?

<sup>143</sup> Mi ki hali, “Eeni, haiba upalezwi ku eza cwalo,” mi anata sikwalo kusikwala ka lilata inge ni iponela.

<sup>144</sup> “Kihande,” Na hupula kuli, “sani si lukile. Mwanana yo na sa talusi kueza cwalo.”

<sup>145</sup> Na zwelapili fela ku yo tapisa mota ya ka. Mi hane Ni zwezi kwande kwani, Moya o Kenile no si ka tabela cwalo; Ki hali, “Zamaya u yo mubulelela,” Ni lumela kuli ki Makolonika Babubeli, kauhanyo ya 22. Ne ni si ka eza. Na hupula, lwa pili, Na hupula fela seo. Na zwelapili fela kutapisa. Mi Sa bulela hape, “Zamaya u mubulelele kuli abale se.”

<sup>146</sup> Mi Na kena mwahali na nga Biblele, ni kuibala. Neli fani Mu-. . . kamba Miriame, mupolofita wa musali, hana sehile kezela hae, Mushe, bakenisa kunyala musizana wa kwa Ethiopia, mi Mulimu na sika tabela ka zona. Mi ki Hali, “Neku kaba hande ndatahe amukwele mati kwa pata, kufita—kufita ku—ku eza zani.”

<sup>147</sup> Kacwalo, Miriame anatwa ki mbingwa, mubili kaufela. Mi kacwalo Aruni ataha, abulelela kezela hae, ali. . . kamba ataha ku to bulelela muzwale wa hae, ali, “Wa shwa, ka mbingwa.”

<sup>148</sup> Mi kacwalo Mushe amatela ku yo mu lapelela, kwa katala. Mi ha na ezize cwalo, Siita sa Mulilo sa tuluka, Mulimu. Mi ali, “Zamaya u mu bize ni Aruni, mi u batise kwanu.” Mi

Aruni aipumana mwateni, ni yena. Mi ki Hali, “Ba bize mutahe kwanu.”

<sup>149</sup> Mi ali, “Haiba kuba alimuñwi mwahala mina,” Mulimu wa bulela cwale ku bona, “ya li wa moya, kamba mupolofita, Na Mulena ni ka itibahaza ili Na ku yena. Ni ka bulela ku yena mwa lipono, ni ku i patulula ili Na ku yena ka litolo, mi—mi ni patulula litolo, ni zeñwi cwalo.” Mi ali, “Kono haili mutanga Ka yena, Mushe, hakuna mutu mwa naha ya swana ni yena.” Mi ali, “Ni bulela ni yena ka mulomo ni zebe.” Ki hali, “Kana ha musabi Mulimu?” Mwabona, Mulimu na si ka li tabela.

<sup>150</sup> Kihande, hane Ni boni sani, Na matela mwahali. Mi nali mwa musiyo usili. Na ngongota fa sikwalo. Na ikwalezi mwahali. Mi Na mu bulelela kuli Ni bata kuambola ni yena. Mi Na kena mwahali mwani na yo ambola ni yena, ku lika ku mu bulelela mone ku inezi. Na li, “Mulatiwa, wa ziba mo Ni ku latela, kono Mulimu ha si ka tabela sani. No sa lukeli kubulela cwalo.” Kapili kasamulaho wa sani, atelwa ki butuku kwa makupo.

<sup>151</sup> Lwa muisa ku dokota kwanu mwa Louisville, Dokota Arthur Schoen, mi afumana sitombo kwa neku nzohoto la busali mwamba, sene Ni fumana lilimo ze lishumi ka ze ketalizoho kamba lishumi ka ze silezi kwa mulaho. “Sitombo kwa neku la nzohoto la busali mwamba, ne si likana inge tolwana ya mumbole.”

Se nili, “Ku cwani ka se, dokota?”

<sup>152</sup> Mi ali, “Halu bone se si ka ezahala. U yo mutisa hape kasamulaho wa likweli nyana, mwendi likweli zepeli kamba nto ye cwalo.”

<sup>153</sup> Lwa muisa ku mu kutisa kwateni. Ne si hulile, kuzwa fa ku likana ni mumbole kuba inge butuna bwa lemune. Ali, “Kihande sizwe; ha si ka ba bunolo ni kufetuha bumaswe.”

<sup>154</sup> Mi se Nili, “Kihande, mawi,” Na li, “luka—luka ya kwa Tucson. Mulena u ni lumile kuli ni ye kwa Tucson.”

<sup>155</sup> Na mu lumile kuya ku mualafi wa musali; na salati kuli abe ni musebezi wani mwa mazoho a hae. Kacwalo mwendi na mu bulelezi ka za bulumiwa bwa ka, kakuli yena. . . Mualafi wa musali ali, “Si ka zwa.” Kacwalo ki hali. . . Lwa mu bulelela kuli ne luya kwa—kwa Tucson. Mi ali, “Kihande, Nina ni mualafi kwateni, ki mulikana ka yomunde. Neni pila mwa Tucson.” Mi ali, “Ni ka ku luma ku yena.”

<sup>156</sup> Kacwalo añola kañolo ni ku ka luma ku yena, mi ali, “Bo ma Branham ki basali babande,” mi a zwelapili ona cwalo. Ali. . . Amu lumela siswaniso ka mo ne si inezi sitombo butuna, ni zeñwi cwalo. Ne se si fetuhile mutombo tuna cwale; mi abulela butuna bwa sona. Mi ali, “Na ziba. . .” Mwa ziba, na zibile kuli uka. . . Na sepa na nahanile fateni, ani biza kuli “Mufolisi ya ipitezi.” Zani kona fela za na ziba mwa ku libeela. Kono ali, “Ni lumezi

kuli—kuli ne si ka zwa, mi si lukela kuba cwalo. Haiba sina ni ku zwa, sizuse.”

<sup>157</sup> Kono neli kutatuba tumelo ya luna. Mi ka tundamo lwa lapela. Mi ka butuna mone lu lapelela, kona mo ne sihulela butuna sitombo sa teni, kufitela ha si to fita fa kuli ne si zwela kwande. Lwa li kuza; batu baba likani mo ne ba zibile ka zona; ba lika kubona sene si ka ezahala. Cwalo cwalo za zwelapili.

Mafelelezo, ha Ni taha kuzwa kwa Canada, kuzwa kone Ni siile. . .

<sup>158</sup> Mulena ani tusa ku etelela mushobo wa ma Indian bale ku Kreste. Ni kutela ku yo ba kolobeza, ka Libizo la Mulena Jesu, ka Litabula le, haiba Mulena alata.

<sup>159</sup> Cwale, ha lu yo kuta, mi neli ya hae kuli aye, ha Ne nili mwa New York. . . kamba kwanu ku ba ni kupazuliwa kokuñwi-. . . kuba ni kupazuliwa, kamba ku tatubiwa lwa mafelelezo. Se ni ya kwa New York. Mi ha Ni yo kuta, Na yema kwanu, mi na funduka. . . Kasumulaho Ni ba ni mukopano kwanu, mukopano wa mafelelezo, Na ya kwani mi na yo mubiza kuzwa ku Muzwale Wood.

<sup>160</sup> Mi ki hali, “Bill, Hani koni ni haiba kutuhela kuli litino za ka li ngunyute kwateni.” Neli fela butuna *cwana* kwa makupo a hae. Ni liutu la hae kwa neku lani, na sweli fela kucuñuta ona cwalo, mi neli yona biki yemaswe hahulu mwa linako za hae za kile aba ni zona. Cwale uinzi fani, wa ni teezeza. Biki yemaswe ya kile aba ni yona. Mi ki hali, “Ni lukela kuya, zazi la kamuso mumu, kwa tatubo yani.”

<sup>161</sup> Na hupula nali, “O Mulimu, haiba ba ka si pazula, sani si ka lu paleliswa kuya kwa hae ka nako ya Kilisimasi, mi Ni se ni bulelezi kale sicaba kuli Ni kaba teni kwani.” Mi se Nili, “Ki nako ye cwani! Oh, mawi!” Na hupula cwalo.

<sup>162</sup> “Mu bulelele, haiba uka pazula, kihande, “Tuhela pili si be butelele nyana, kufitela kasumulaho wa Kilisimasi.”

<sup>163</sup> Mi se Ni kala kunahana, “Sakona kuba bumaswe.” Ni ku kutela *kwanu*, mwa ziba, yani ki nto ye maswe, ika kutela mwa lipiyo. Haiba sikaba hande, sika ba bumaswe, si ka ku bulaya. Kacwalo he Na hupula, “Ki sikamañi se Ni kona kueza?”

Mi Meda ali, “Kihande, cwale, u ni bize,” ali.

<sup>164</sup> Zazi le Ni fita mwa Shreveport, mwendi ki zazi lelitatama kasumulaho wa lani, hane Ni fitile mwa Shreveport, na ilo ya kwa ku tatubiwa. Mi kacwalo aya kwa. . . Musala bo Norman na sweli kuya, Kezeli Norman; kaufela mina mwa mu ziba, ki batu baba tahanga kwa Tabernakele ye. Naile ni yena, ni ku yena mualafi yo. Mi kacwalo ali, “Mulibelele kufitela muba ni busihu bwa mina bwa pili, kwa—kwa. . . mi kipeto mukute.” Kakuli, haili shutano, lihola zepeli mwa nako. “Konakuli mu ni bize

hamuka yo kuta, kasamulaho wa mukopano, Ni ka mi bulelela se Ni ka eza.”

Mi se Nili, “Ku lukile.” Kacwalo, Na zwelapili cwalo.

<sup>165</sup> Mi lelitatama kakusasana, Ni si kaya kale, Ni ka yo nga Billy ni Loyce. Sibeli sa bona bateni mo. Mi kamita . . .

<sup>166</sup> Nelu nani sipula sa kale kwani sana lu lekezi Muzwale Palmer, kwanu ha ki kale hahulu, mi kamita lu yanga kwa sipula sani ku yo lapela, nako kaufela ha lu . . . Oh, Ottoman, cwalo, mwa ziba, sipula sa kuina. Nako kaufela ha luya kwani ku yo lapela, ha Ni ya kwa mukopano, lu kupa Mulimu kuli alutuse.

<sup>167</sup> Mi Ne ni bile kwani, mazazi amabeli, mi Ne nina—Ne nina ni bulutu. Ndu; banana ne baile, mi ni yena na saile. Mwa ziba, buñata bwa mina mwa ziba Ne nina ni kufita mwa lika zani nako yeñwi, kukutela mwa ndu ya mukungulu; fela, Na buluka musali yani, Hope. Mi cwale ki kona zeo kaufela. Mi Na fita kwani, Na nahana, “Kihande, Ni ka lapela mi kona ni yo bitula Billy ni Loyce, ni kuzwelapili cwalo.”

<sup>168</sup> Kacwalo ha hane Ni ilo lapela, Se nili, “Mulena, Na ba tonda kakusasana cwana, kwa sibaka kwanu.” Se nili, “Ni lapela kuli U ba tuse ni ku ba fuyola. Mi lukute mwa sibaka se hape. Mi cwale,” Se nili, “bateni kwande kwani kakuli U nilumile kwani ka pono, mi U li talelelize. Cwale Ni bata ku libelela, kubona Zo ka ni bulelela kuli ni eze kasamulaho.” Se nili, “Ni lapelela . . . Ube ni sishemo ku yena.” Mi se Nili, “Ni tuse mwa mukopano okaba kwani.” Mi ki ha Ni itulela . . . Se nili, “Mulena, usike wa lumeleza kuli si be bumaswe. Mi tuhela kuli dokota yani alibelele kufitela kwa makalelo a silimo, kuli sizwe. Ni—Ni toile fela ku mu bona . . .”

<sup>169</sup> Se nili, “Mulena, na sa talusi sana ezize kakusasana wani. Na sa talusi sani.” Se nili, “Mulena, hakuna nako nihaiba yekana ya kile abulela linzwi li liliñwi ka na ka za kuya mwa mikopano, ku yo ina likweli, kamba seo kaufela sili sona. Hakuna nako ni yekana fa kile a kwalula mulomo wa hae ka zona. Yena kamita u lumelanga libyana za ka kwa batapisi, ni ku tapisa lihembe zaka, mi na nza lukisa lika kaufela ha ni ya kwa mukopano. Mi, u bilaezwa ka mwa kona ku sebeleza Mulimu.”

<sup>170</sup> Mina basali, hamunze mu sebelezo baana ba mina, mu sebeleza Mulimu, eeni ku cwalo.

<sup>171</sup> “Mi cwale, mi cwale ha Ni kena mwahali, inge ni katezi ni ku boteha luli, batu neba zwa kai ni kai. Neni na ni kuya ku sili fa musipili wa kuyamba, kamba wa kuzuma. Kiñi, basali babañata ne ba ka filikana ka sani. Ki sikamañi sana ezize yena? A lukisa litino zaka za kuzuma ni zona kuli ni zamaye; tuhela niye.” Se nili, “Mulena, na sa talusi sani.” Mi se Nili, “Nana ni kupazuliwa halalu, bakeñisa kuli na puluhile ka kupazuliwa.” Mi se Nili Ni . . . “Mulena, Ni—Ni toile ku mubona aeza cwalo hape.”

172 Mi ona fani fela Na utwa nto yeñwi mwa muzuzu. Na talima mwahalimu. Mi Linzwi la li, “Aku yeme.” Lali, “Cwale kaufela so ka bulela, kona mo si ka bela ona cwalo.”

173 Na libelela fa muzuzu. Se nili, “Lizoho la dokota li si ka mu swala kale, lizoho la Mulimu li ka zwise sitombo fateni, mi mane hasina ni haiba kufumaneha.”

174 Ani neli mafelelezo, kuna. Ne ni si ka mubiza. Lwa zwelapili fela, lwa yo nga Billy ni Loyce, mi lwaya kwa Shreveport.

175 Busihu bone butatami Na mu biza. Nali yatabile. Mi ali, “Bill, Ni bata kuku bulelela!”

176 Cwale ki yo fa, mi wa kona kupaka se. Na zamaya inza cuñuta mwa musipili wa hae kwani; akena mwa muzuzu ni nasi ni musala Bo Norman, ni kutina sapalo sa . . . sa mukanjo, kwa tatubo. Dokota azwela fande, mi mane na palelwa kuya fa tafule; sitombo inge si lepelela ona cwalo, sesituna luli. Mi cwale hana . . . Dokota hakena mwahali mi a ambola ni yena. Mi ki ha taha ni yena, ku to apula shiti ni ku muswala, mi, asika mu swala kale, sa zwa.

177 Mi dokota na sa zibi neku lene si inezi. Ki hali, “Libelela fa muzuzu!” Ana ni maswaniso a swanisizwe maswaniso kaufela, ni lika zeñwi kaufela, na si ka fumana ni haiba lisuba leliñwi la sona. A mu tatuba, kukuta kutela. Ki hali, “Hanikoni ka tatulula lika ze hakulata, kono, musala Bo Branham, sitombo sani hasiyo fateni.” Mi ali kuba abe ni sibali silisiñwi sa teni, haisali.

178 Neli sikamañi? Mulemuhe, ona cwalo fela mo ne Si bulelezi, “Lizoho la dokota li si ka swala kale fateni.” Muzuzu nyana fela ulimuñwi, mi lizoho la hae ne li ka swala fateni. Linzwi la Mulena li petehile cwani!

179 Cwale, ki yani musala ka fani, mi sibeli sa luna lu fapila Mulimu. Kono mane lizoho la dokota lisika swala kale fa mubili wa hae, mwa musipili inze a taha ku yena cwalo, sesiñwi sa ezahala, sitombo sani sa musiya. Mi ba palelwa, ki—ki hali . . . Na lumela neli cwalo, nji ne si cwalo, mulatiwa? “Ni bata kuku zibisa sinca, musala Bo Branham,” (Kana ki niti yeo, kona mwa na bulelezi kana? Yeo ki niti.) “kuli sitombo sani hasiyo fateni. Hauna sitombo ni se sikana.”

180 Neli sikamañi? Kuya fela ona cwalo ka Linzwi la Mulena, yani neli . . . ? . . . Amen. Yani neli nako ya bu ketalizoho. Ketalizoho ki nombolo ya sishemo, nombolo ya t-u-m-e-l-o, hape. [Sikuwa: “f-a-i-t-h”—Mu.]

181 Hakuna ku kakanya ni hanyinyani mwa munahano wa ka. Na ziba seo Kuhoha kwa Bulalu kuli sona, mi Na ziba se kueza. Cwale mube ni likute, muine fela mukuzize, hola ikatuha ifuta cwale koo Mulimu u ka lu ezeza lika zetuna.

Cwale ha lu inamiseñi litho za luna kwa tapelo.

182 Mulena Jesu, Ni liboni fa batu babañwi, kono hane sitile ku musala ka yomunde, neli mwa lapa la ka, cwale, Mulena. Ne ni talimile ku sona ka meto aka, na si swala ka mazoho aka. Mi Na . . . fif- . . . sikisitini lilimo si sika ezahala kale, neli hape cwalo, Mulena, ne si zibahalile ni ku patululwa ki Wena. Mi sika kaufela ha si bulezwi, sina ni ku ezahala. No sweli ku ni bonisa, Mulena, ka nako yani, kuli, sepo yaka ku so No ezelize sicaba, mi no ka ni lumeleza kuli ni zibe, kacwalo Ne ni kona kuba tusa. No si tisize kuli si ezahale mwa lapa laka. Kwani neli Kuhoha Kwapili. Mi cwale Kuhoha kwa Bulalu ne ku pakile Kuhoha Kwapili.

183 Lu itumela, Ndate. Lu swalele lifoso za luna. Lu sikwata sesinyinyani. Luna ha lu sika ituta, kamba mane, nikali lu litimbi fela za batu. Kono lu itumela hahulu kuli luna ni Mulimu ya mata kaufela Ya lu tokomela ni ku lu ba balela, kakuli ha lu zibi mwa kuipabalela luna bañi. Lu ipeya ili luna ku Wena.

184 Cwale, Ndate, Ni lapela kuli U ni tuse. Mi ni mwa Kuhoha kwa Bulalu kwa, kuli, O Mulena, sina ha ubile Ubulela mwahala lilimo zepeli ka zona, ku libonisa fa . . . ku cakula fa malundu, ni zeñwi cwalo, ni ku litisa cwalo. Cwale, Ne ni sweli kutalima kubona kuli neli sikamañi kufitela si pakiwa handende. Cwale Na lapela, Ndate, kuli U ni tuse kuba ya likute hahulu, ka se, kufita mone sibezi lwapili, mi U ikungela kanya. Inge, ku kalela ona fa katala fa, kone ku bulezwi ya Pili, ya Bubeli, mi cwale ki ya Bulalu, mi So bulezi si tilo ezahala ona cwalo mo No bulelezi. Lwa Ku lumela, Mulena Mulimu.

185 Tusa mañi ni mañi wa luna kuli lu nepele kwahule ku sa lumela kwa luna ni ku akaleza kwa luna, kuli lu kone ku yema mwa Kubateni kwa Mulimu yapila, ka ku ziba kuli, yena Mulimu ya swana yana ngile sitombo sani kuzwa ku musala ka ya liteni ona mwahali mo cwale; ni ku pakiwa ki baalafi baba cuukile hahulu ku be lu nani mwa naha, bene ba lipakile, mi hape ni kutalima, ni ku swanisa; mi kasamulaho sa lateha. Wena u Mulimu mi hakuna usili kwanda Hao.

186 Mi lwa Ku lata kakuli Ulu—Ulu lumelelize kuba batanga ba Hao. Mi lu Ku sebelezo ka likute ni ka swanelo, ka mazazi a bupilo bwa luna kaufela. Lumeleza cwalo, Mulena. Nina Ni kone, ni lubasi lwaka, ni sicaba se kaufela, lukone ku monyeha Maseli, lizwai leli lungilwe leli ka- . . . bupa linyolwa ku babañwi, ku lata Jesu ya lu ezelize lika zeñata hahulu yoo.

187 Cwale sina ha Ni apula Linzwi, kuli ni Li bale kuba palo, mi kipeto ni ku lapelela bakuli, uni tuse, Mulena. Bulela ku luna, mi u folise bakuli, ka Libizo la Jesu lwa lapela. Amen.

188 Kikuli kuna ni, kana Nina ni nako ya . . . [Kopano ili, “Amen.”—Mu.] Haiba Ni ka akufa kapili fa . . . palo yeñwi fa, Ni bata kuli mubale cwale, kamba kuñola, kamba sika kaufela se

mu lata kueza. Ya pili i fumaneha mwa Buka ya Numere, 21:5 kuisa 19, mi lu bata ku—ku kubala cwana.

*Mi sicaba sa bulela ku lwanisa Mulimu, ni ku lwanisa Mushe, Kikabakalañi ha u lu zwisize mwa Egepita kuli lu to shwela mwa lihalaupa? kakuli mo hakuna buhobe, kamba mane ni ona mezi; mi mioyo ya luna i lakaza ona sinkwa se si bunolo se, lico za Mangeloi.*

*Mi MULENA a luma linoha ze sabisa mwahala sicaba, mi za luma sicaba; mi buñata bwa sicaba sa Isilaele sa shwa. Kabakaleo Mulena. . .*

*Kabakaleo sicaba sa taha ku Mushe, mi sali, . . .*

<sup>189</sup> Kuipulela! Mutalime, “Lu fosize!” Mwabona, yeo kona nto yapili kwa foliso, kuipulela pili.

*. . . Lu fosize, kakuli lu bulezi ka kulwanisa MULENA, ni ku lwanisa wena; ulapele ku MULENA, kuli a zwise linoha ze ku luna. Mi Mushe a lapelela sicaba.*

*Mi MULENA ali ku Mushe, Eza noha ye sabisa ya sipi, mi u ipaheke fa musumo: kuli ibe cwalo fateni, kube—kuba kuli, mañi ni mañi kaufela ya ka lumiwa, ha talima ku yona, uka pila.*

*Mi Mushe aeza noha ya sipi, mi aipaheka fa musumo, mi kwa ezahala kuli, haiba noha ne iluma mutu, ha na talimela noha ya sipi, a pila.*

<sup>190</sup> Cwale, hape, Ni bata kubala Liñolo kuzwa mwa Zakaria, kauhanyo ya 12, ni timana ya 10.

*Mi Ni ka sululela fa ndu ya Davida, ni fa sicaba sa ba mwa Jerusalema, moya wa sishemo ni wa kuikupela: mi ba ka ni talima na ye ba tabile, mi ba ka mu lilela, sina mutu ya lilela mwana hae, mi ba kaba butuku ni bakeñisa yena, sina mutu yali mwa butuku bakeñisa mweli wa hae.*

<sup>191</sup> Cwale ka mukwa wa palo, Ni ka nga tuto yakuli: *Amutalimele Ku Jesu*. Mutalimele kuzwa kwa lifasi, mutalime ku Jesu. Mushe na ezize noha; mi fa mupolofita, kasamulaho, na sweli kubulela ka zona, sene si ka ezahala, ka za ku talimela ku—ku Jesu.

<sup>192</sup> Bibeles i bulezi cwana, mwa Isaya 45:22. Lu fumana kuli Mulimu na bulezi kuli, “Mutalime ku Na, mina mafelelezo a lifasi.” Mi cwale lifasi ha litaha kwa mafelelezo a lona, kamba mulao wa lifasi hautaha kwa mafelelezo a ona, kipeto sicaba si talimele ku Yena.

<sup>193</sup> Cwale mukona kubulela kuli, “Lu utwile zeo, lusika ni lusika. Lu u utwile ze fa nako yetelele.” Yeo ki niti, mi li kutalizwe fa nako yetelele. Bakutezi babañata bangile toho ya taba yecwana, likitikiti za bona.



194 Kono ki ye fa taba ye Ni bata ku mi buza, busihu boo, mwa mizuzu yelikani yetatama ye. Kono ha mu talima, puzo ki kuli—kuli, ki sikamañi se mu bona ha mutalima? Ki sikamañi se mubona ha mutalima? Seo siitingile fela ku se mubata. Mwabona? Cwale Uli, “Mutalime ku Na, mina mafelelezo a lifasi kaufela.” Mushe na nanuzi noha mwa halimu, mi, kaufela ya na talima, na foliswa. Cwale, kuitingile ku se mubata.

195 Ni boni batu ha ba taha mwa mikopano, mwa lizazi la mafelelezo le, bene bakona fela kuina mwa mukopano ka muzuzu ulimuñwi kamba yemibeli. Kona fela zene bakona kueza. Mwabona, neba sakoni kuliyemela.

196 Ha nina kulibala, Ni sepa kuli se ha si talusi mutu kaufela ya zwa kwa Iowa, hane Ni na ni mukopano kwa Waterloo.

197 Muzwale Lee Vayle, nali kwanu kakusasana kacenu. Hani zibi haiba umwateni mo busihu bo kamba nee. Kana uteni mo, Lee? Nali teni mo kakusasana cwana. Eeni, kwa mulaho mwa sibaka sa ku rekodela, kwa mulaho kafa. Ku lukile.

198 Muzwale Lee ni Na lu ezize kaufela ze ne lu kona. Ni kufa mukushuko kwa balikani ba sikwata sa bakutazi, ku sina tifo, ku taha fela teñi ku to ambola ku bona. Muzwale Lee Vayle, eeni sha, ki muniti mi—mi ki Dokota wa za Bulapeli, kuli mane uipumanezi digiri ku zona. Mi kacwalo Ni likile kuli a ambole kwa ma Lutheran, ma Presbyterian, ni babañwi cwalo, kono ali, “Batili, ba talimela ku wena ku sieza.”

199 Kihande, Naya ku yo nga palo yaka, fapila bakutazi baa, ha ne ba felize kuca kaufela bona. Na nga palo yaka kuli: *Ne Nisika Hanela Kuutwela Pono Ya Lihalimu*. Mane Ne ni sika bala kale Liñolo, bababeli cwalo ba talimana, ba zwa mwa minyako mi ba ya. Cwale ha ne Ni kala kubulela, “Sina Paulusi mwa lizazi la hae, ni bulumiwa bo bu ipitezi, mi cwale a yemi fapila Agrippa ali na si ka ha i nyeza,” bababeli kamba babalalu cwalo ba yema. Mi ka nako yene Ni fitile fa kuli Ni bulele sesiñwi fa liñolo, nekuna ni fela babalalu kamba babane bene ba inzi kwani. Kaufela bona ne se bayemi ni kuikela.

200 Libaka lateni, ki, le. Babañwi ba tahanga kwa mukopano, ha ba utwa kuli mubuleli, mukwa wa tinile ka ona una ni sa kueza ni sicaba. Haiba nji ha si ka tina litino ze swanela, babañwi ba kubona . . .

201 Ne ni utwile mu—mu muniti wa za munahano ya batu hanaize, zazi leliñwi; Dokota Narramore, muuna yomunde, muuna wa Mukreste, tukiso ya hae fa KAIR kwani, ka nako kaufela. Mi ali, “Nzila ya ku bulelela mutu kuli u lyangani, ki foo ha si ka tina kuya ka swanelo.” Mwa ziba, kuya mwa lukela kubonahalela kwa sicaba, sani neli sisupo sa kuli ulyangani mwa munahano wa hae.

202 Kihande, he, Ni bile ya lyangani kanti mwa bupilo bwaka kaufela, mwabona, kakuli Ni tinanga ma obolosi ni lika zeñwi

kaufela, mwabona. Kacwalo, kuya ka mukwa wa buino bwaka, Ni lukela kutina inge mutu wa bulapeli, ka manzwi amañwi, ku—ku ba mutu wa bulapeli.

<sup>203</sup> Hani sepi kuli Jesu na tinanga inge mutu wa bulapeli. Na tinanga fela inge mutu mutu fela. Na tahanga mwahala sicaba ona cwalo, mi za mitinelo nelisi taba yetuna.

<sup>204</sup> Kono sani fela ki kuli, mwabona, ka mukwa fela wa mutu. Hasina ku . . . Kucwani kamba muuna yo, kamba, Nili hani zibi sa na ka bulela dokota ka se, fani mupolofita mwa Bibehe hana laezwi kuli apazule litino za hae mi azamaye mapunu fapila sicaba? Fani luli ka naba ya lyangani, kana nasike kuba cwalo kacenu? Kono ki Mulimu yana mu bulelezi kueza cwalo.

<sup>205</sup> Yomuñwi nana ni kuina kwa matuko a hae ka likweli ze mianda yemilalu ni mashumi a mane ka zepeli, Ni sepa neli cwalo, inza pila bukaufi ni yena, neku li liliñwi; mi hape ni ku sikuluhela kwa neku leliñwi. Ni kuca poto ya miloho yana tatehile kwani; nana ni kuya ku yo futumaza lico ze ni ku litateha sinca, hamoho, ni kuca zona ka nako yani kaufela; ha taha u ñwata lizoho le litezi mi wa ca, inza lobalela neku li liliñwi, bakeñisa kuba sisupo. Mwabona?

<sup>206</sup> Oh, ka mo sicaba sikona kubela kwahule, luli, ni Linzwi la Mulimu. Baba ba baitutile hahulu kufitela habaya kwahule hahulu ni Mulimu. Mutu ha bulela kuli una ni tuto ya ipumanezi, Ni ziba kuli ona foo saile kwahule kuzwa ku Mulimu; mwabona, haba ni digiri ya dokota. Hani bulele ze ka kulwanisa Dokota Vayle, kakuli yena hayo mwa mufuta o cwalo. Kono, hañata, mutu hana ni digiri ya bu dokota, seo si talusa fela, ku na, uile hahulu kwahule kuzwa ku Mulimu, mwabona, konji haiba ukona kuipuluka iliyena kupila ni Linzwi la Mulimu.

<sup>207</sup> Cwale, lu fumana kuli babañwi batelanga fela ku to utwa mo ubulelela, haba taha ku to talima. Mu bulela ka za foliso ya Bumulimu ni za Mulena; haiba nji mutu hasika kena ku zona ka butungi, ali munituti ya cilokile, batu habakoni kusinya nako ya ku muutwa inza itusisa manzwi akuli “umwa ni, hayo mwa,” ni—ni manzwi a cwalo. . . Habana fela. . . Habakoni ku. Ba nahana kuli zeo li kwahule hahulu ni Mulimu.

<sup>208</sup> Mi cwale Jesu hana bulela ka mushobo o bunolo wani, kufitela, kacenu, li lyanganisize baituti ba lituto, kakuli balika kuli toloka kuya ka likolo ni mushobo wa lizazi la bona, mi wani neli mushobo wa mwa mukwakwa. Kabakaleo. . .

<sup>209</sup> Kiñi, kuna ni shutano yetuna hahulu neba ona mwa United States ku luna mo! Ne ni lizelize kwa Florida, kwa New York, mi neni na ni ambola ni musali ona kwanu, hape, kwa St. Louis, kuli atoloke mwahala musizana wa kwa mboela yo ni musizana wa kwa mutulo. Ne si shutano ni yeo. Mwabona? Kaniti.

<sup>210</sup> Cwale taba ya teni ki kuli, sicaba si talimela lika ze cwalo, mubulelelo, kufita kutalima Linzwi. Linzwi ha li iponahaza

kona bupaki bwa kuli Li lukile. Mwabona, ki Linzwi le li iponahaza! Habana kutalima ku Sani. Una ni kuba ni munahano wa ya itutile hahulu za likolo, kuli u zibe, kuya kwa lituto ze pahami za bulapeli ni ku ituta mwa ku kubamela, mwa ku yemela fa sibaka silisiñwi, ni zeñwi kaufela. Oh, sani sakona ku kama mukutazi, kuisa lifu, yatezi Moya o Kenile luli. Mwabona? Cwale, zani ki za munahano ya butu bwa likolo.

<sup>211</sup> Mi yani kona nzila yeo naha ye ibezi ka yona. Ina ni munahano wa za lituto za likolo kuya ka za Kreste. Sani kona se ba talimela. “Mi haiba Kreste uini ku wena, una ni kuba ya itutile, una ni kuba ya itutile ka za likolo,” kakuli cwalo kona mo ba nahanela kuli Kreste kona mwa inezi.

<sup>212</sup> Mi ka nako yeñwi, nto yeñwi, baba ni minahano ya bona bañi ka Sa lukela kuba sona, mulelo wa bona bañi, kufita kunga se li bulezi Linzwi. Yani kona nzila ha ba talimela, mi mane ba bona Jesu Kasibili, ba palelwa ku Mu lemuha. Neba ezize cwalo ka Lizazi la Pentekota. Neba ezize cwalo ha Na li mwa nama. Neba ezize cwalo ha Nali mwa sicelo sa likomu. Neba ezize cwalo ha Nali mwa mukwakwa ya Jerusalema. Neba ezize cwalo ha Nali fa sifapahano. Mi Nali yena mutalelela wa Linzwi lani. Mi, hape, neba na ni Mesia yana taha cwalo inza zamaya kuzwa mwa malibela a minyako ya Lihalimu, ni lika zeñwi kaufela, mi neba fosize, kakuli neli minahano ya butu bwa lituto za likolo fela. Mi ba palelwa ku Mu bona, kono, inze ba Mu talimezi. Kona mo ku inezi ni kacenu!

<sup>213</sup> Ki sikamañi se mubona ha mutalima? Babañwi ba talimela kuli ba bone, haba Mu talimela, ba talimela kuli ba bone mukalisi yomuñwi yomutuna wa keleke, mutu ya kona kutahisa tuto ye ka eza kuli sicaba kaufela sitabele tuto ya tumelo yeo, nto yeñwi cwalo. Seo kona se ba talimela ha ba Mu bona.

<sup>214</sup> Babañwi ba talimela kubona litangu, inge Santa Claus, ha ba talimela. Ba bala Bibebe, mi bali, “Ah, ye ki taba ya litangu fela. Ki sika fela sa ñozi mutu. Sani ki sona, bona, kakuli hane ba . . .” Mulelo o muba ni ona kaza Bibebe, kona o muba ni ona ka Yena. Mwabona?

<sup>215</sup> Babañwi ba talimela kuli ba bone mbututu. Babañwi batalimela kuli ba bone ka—ka kashakame kamba Santa Claus. Babañwi ba talimela kuli ba bone buka ya litaba za kale yeli ya za maabani isi za kacenu.

Kono, puzo ki kuli, ki sikamañi se mubona ha mu talimela?

<sup>216</sup> Buñata bwa mina luli, baba ipapata kuli muna ni Moya o Kenile, ha mutalima mubona mutu wa bubeli mwa silaalu. Kanti, zeo mane ha li si ka bulelwa mwa Bibebe. Hakuna se si cwalo. Linzwi la kuli silaalu haliyo mane ni mwa makepe a Bibebe. Kono, kanti, ha mu talima ku Jesu, mu Mu nga kuba mutu bulalu mwa silaalu, mi leo kona libaka ha mu sa fiti kwahule.

217 Mwa ziba sa Na bulezi kana? “Kina Mulimu, mi hakuna usili kwanda a Ka.” Mwabona?

218 Kuitingile ku se mutalimela. Haiba mubata kutina inge mushimani wa lipapali za banana ka milyani, kamba muuna muhulu wa mulelu, ni zeñwi cwalo; haiba wani kona mukwa o mutalima ku Jesu ka ona kakuba mutu ya shutano ni Mulimu, mu talimela ka mafosisa. Ha mu Li boni.

219 Kwanu haki kale hahulu, Neni na ni magilasi a kusebelisa mwa ku zamaya kwaka. Ne ni lika kutalimela puti, kamba puti yeneli mwa simu. Mi mwana ka wa mushimani na lika ku ni bonisa, mi yena ki mwanana nyana. Kacwalo ki hali, “Amutine magilasi aa, tate! Ki yani puti ye yemi fani, fahule nyana cwalo fani!”

Se nili, “Na ibona ka meto aka ona cwalo.”

Mi ali, “Amunge magilasi aa.”

220 Hane Ni talimezi, Na bona liputi ze lishumi, kono magilasi na si yo mwa swanelo hande. Mi ha Ni a beya mwa swanelo hande, ze lishumi kaufela zaba fela iliñwi.

221 Mi haiba mu beya minahano ya mina mwa Linzwi la Mulimu, zetalu ikaba nto Iliñwi. Mwabona? Kono magilasi a mina a za bulapeli akazwa mwa swanelo ya ona amulika ku Mu eza kuba zetaalu. Ki Alimuñwi. Mwabona?

222 Kono kuitingile ku se mutalimela. Ki sikamañi se mubona ha mutalimela? Muhupule, mukona fela ku Mu bona ha mu Mu talimela kufitela mwa Linzwi. Hamukoni ku Mu talimela kufitela mwa buka ye ñozwi fela. Hamukoni ku Mu talimela kufitela mwa tuto ya tumelo. Mu ka bona balimu bababeli kamba babalalu, ni lika zeñwi kaufela, mwa lituto za litumelo zeo. Kono mu Mu talimele kufitela mwa Linzwi, mi mu ka bona kuli ki Yena “*Emanuele*, ‘Mulimu ya ezizwe nama mwahala luna.’” Na bulezi kuli, “Kina Mulimu, mi kwanda Ka hakuna usili.” Ki yena Mulimu.

223 Isaya na talimile nako yeñwi, yena mupolofita, mi cwale ha to bona Jesu. . .Tuto yaka ki kuli, “ku talimela ku Jesu.” *Amutalimele Ku Jesu*. Fani Isaya ha talima kuzwa ku za lifasi, kuli a Mubone, abulela ali, “Ni bona Muezezi, Mulena wa Kozo, Mulimu Yamata, Ndate wa Kamita.” Sani kona sa ya talimela Isaya mi a bona ona sani.

224 Daniele, nako yeñwi, na yemi hana boni ma—ma mafelelezo a mibuso ya Bamacaba. A bona siswaniso sa na lolile Nebukadinezare. A bona omuñwi ni omuñwi mo ne uka komela ni kuyola omuñwi, hane i taha cwalo. Mi ha talima kubona se ne si ka ezahala kwa mafelelezo, fani ha na boni Jesu, Nali fela “Licwe le li ketuhile kwa lilundu, ku sina mazoho,” lene li tilo luba mibuso ya Bamacaba.

225 Nebukadinezare a nepela bana babalalu ba Siheberu mwa ondo ya mulilo, bene ba lumela ku Mulimu ni ku yema fa Linzwi la Hae. Hane ba ka shwa ka Lona, neba ka yema, ni hakuli cwalo; ki nto ye nyinyani fela, ka ku kubama ka mañwele a bona cwalo. Kono cwale ha na talimile ni kubona Jesu, Nali “muuna wa bune” ya nali mwa ondo ye sabisa, mi a zwisa kucisa kaufela kuba kwahule ni batanga ba Hae baba utwela. Sani kona sa na boni Nebukadinezare.

226 Ezekiele na talimile mi a Mubona zazi leliñwi, mi Nali “Liwili mwahali a liwili,” mwa halimu mwahala mbyumbyulu. Nali yena wa Fahali a liwili, ko ku tamanela sipoko kaufela. Amen! Liwili lelituna li potolohiswa ka tumelo, kono Liwili lelinyinyani ne li pikuluswa ka Mata a Mulena. Yani ki yena Yo Ezekiele na boni ha talima.

227 Joani Mukolobezi na talimezi ni yena zazi leliñwi, mi, ha talima, abona Liiba; mi Linzwi, lali, “Yo ki Mwana Ka ya latwa ili Mo Ni katelwa kupila.” Sani kona sa na boni. Mi, abona Jesu ni Mulimu kuli ki Mutu ya swana, kakuli Moya no zwile kwa Lihalimu inge Liiba, wali, “Yo ki Mwana Ka ya latwa Mo Ni katelwa kupila.” Sani kona sa na boni. Mulemuhe, U itibahazanga Iliyena ka nzila ona yeo.

228 Nuwe, ha talima kuli a Mubone, Nuwe abona likatulo za Mulimu ze lukile fa sicaba sa lifasi le li hanile Linzwi la Hae. Sani kona sa na boni Nuwe ha talima.

229 Mushe, ha talima, na boni sicacani se situka mulilo. Siita sa Mulilo sa taha sona Kasibili mwa sicacani, mi, fani Mushe ha sutelela bukaufi ni Sona, Yena ali, “Tubula likatulo za hao, kakuli, ‘KI NA.’” Cwale, kamba ne muka kona ku talimisisa linzwi leo, “KI NA,” ki tensi ya kale, tensi ya cwale, ni nani yetaha. “KI NA,” Kuyakuile! Mwabona? “KI NA,” na boni yena yali “KI NA.” Sani kona sa na boni mwa sicacani sene situka.

230 Isilaele na talimezi noha ya sipi yana ezize Mushe, mi abona manyando a Krete ni katulo ya bakuli, kakuli lu ziba kuli noha ne i yemela Swalelo.

231 Jesu nali yena Swalelo yani. “Sina Mushe mwa na pahekezi noha ya sipi mwa lihalaupa, kona ni Mwana mutu mwa lukela ku pahekelwa,” ka mulelo o swana. Mwabona? Kiñi? Neba ezize sibi, mi ne ba se ba nyikilwe; sani neli ka ku takula sibi sa bona ni matuku. Mi sani kona, “Jesu sa na holofalezwe bakeñisa bumawe bwa luna; ka miupa ya Hae ne lu folisizwe.” Kunga foliso ya Bumulimu ku Krete, kipeto mu puma kwateni Swalelo, mwa liemba zepeli. Mwabona?

232 Ki sikamañi se mubona ha mu Mu talimela? Kikuli mwabona cwalo? Kikuli mwabona cwalo, “Sana holofalezi ki libi za luna; ka miupa ya Hae lu folisizwe”? Ha mu talima cwalo, kikuli mwabona sani, kamba kikuli mubona fela siemba silisiñwi sa

Swalelo? Kikuli mwabona maneku amabeli kaufela a teni ha mutalimela nji?

Ha mutalima cwalo kufitela mwa lituto za litumelo, li ka mi bulelela kuli, “Mazazi a foliso a felile.”

Kono haiba mutalima ka kufitela mwa Linzwi, muka bona kuli, “Ki ya swana maabani, kacenu, ni kuyakuile.” Mwabona?

<sup>233</sup> Balutiwa neba talimile ku Yena bali mwa butata fa liwate la mandinda, mi ba bona tuso fela yene ka ba tusa, hai taha.

<sup>234</sup> Mareta na talimile ku Yena mwa nako ya lifu, mi a bona kuli Nali yena “zuho ni Bupilo.” Amen! Mwa nako ya lifu, Mareta na boni, fani hana talimile ku Yena. . . Na hanilwe ki batu ba habo yena; Na kendilwe; mane, na kupile kuli A biziwe, mi Na si ka taha ku kezela hae. Kono cwale ha Na tilo taha kwa mafelelezo, mi azwela teni ni ku yo wela fafasi kuli a Mu talimele, afumana kuli Nali zepeli cwalo ili “zuho ni Bupilo.” Amen!

<sup>235</sup> Jairasi na ezize nto yeswana, neli mulumeli wa kwa mukunda; neli Presbyterian yomunyinyani, mu Methodist, mu Baptist, yana lumezi luli, kono na sa tahangi bukaufi, kuya ka kopano ya hae yene sike ku mu lumeleza kutaha ku yona, kakuli na ka lelekwa. Kono mwana hae luli wa musizana uinzi bukaufi ni lifu, mi nana ni kuya. Kono cwale hana Mu fumani, afumana kuli nali Yena zuho ni Bupilo.

<sup>236</sup> Hana kupile kuli A biziwe, yomuñwi ataha inza mata mi ali, “Usike wa kataza Muluti, kakuli musizana sa shwile kale.” Yena. . . Mi pilu ya hae yenyinyani ya bata ku felelwa.

<sup>237</sup> Kono ki Hali, “Kana ha Ni si kali, ‘Haiba fela u lumela, uka bona Kanya ya Mulimu?’” Jairasi afumana kuli Na kona kuzusa bafu, hana talimile ku Jesu.

<sup>238</sup> Baba lapile neba talimezi ku Yena, mi ba fumana sico se si kulisa mwa bupilo. Sani neli sa nama. Baba shwile tala, ka moya, bakona kutalima ku Yena ni ku fumana kuli ki Yena Sinkwa sa Bupilo.

<sup>239</sup> Lisholi lene li shwa ha na talimile sa na bona, a fumana, ku Jesu, swalelo ya hae. “Uni hupule, Mulena, Ha u ka taha mwa Mubuso wa Hao.” Jesu ali, “Kacenu ukaba ni Na mwa paradaisi.” Sani kona sa na boni mwa hola ya lifu la hae.

<sup>240</sup> Bakuli neba talima ku Yena, mi ba bona Mufolisi. Sibofu hana talimile, a bona.

Ku itingile ku se mutalimela cwale. Ki sikamañi se mutalimela?

<sup>241</sup> Pitrosi ni Natanaele hane ba talimile, ni kubona Linzwi la mupolofita wa bona, Mushe, hana iponahaza. “Mulena Mulimu wa mina uka zusa Mupolofita ya swana sina na, mi sicaba sika kumalela ku Yena. Mi kaufela baba sa Mu lumeli, ni ku utwa Mupolofita yani, ba ka bulawa mwahala sicaba.”

242 Mi fani Pitrosi hana zamaile kukena fa pila Kubateni kwa Hae, Jesu ali, “Libizo la hao ki wena Simoni, mi wena u mwana Jonasi.” Na zibile ka yona nako yani, fani hana talimile ka nako yapili ku Jesu, kuli kwani neli ku talelezwa kwa Linzwi la Mulimu mwa Na bulelezi kuli ukaba cwalo. Amen.

243 Hani zibi haiba mu fumani ze swana hane mu Mu talimile ka nako yapili? Hani zibi haiba Linzwi la sepiso la iponahaza ili Lona ku mina hane mu Mu talimile?

244 Natanaele, hana fitile fela mwa Kubateni kwa fapila Jesu, ka ku kakanya hanyinyani . . . Lu fumana kuli Filipi naile mi a mu bulelela kuli, “Taha, uto bona Yo lu fumani.”

Mi Natanaele ataha, ki hali, “Ki ufi Yani?”

Ki hali, “Kaniti ki yani ya lapelelanga bakuli.”

245 A i kataza mwa kufita konji ha yo Mu talimela. Mi hana talimile, Jesu ali, “Amubone mu Isilaele ya sina kaiñole ku yena.”

Ki hali, “Muluti, ki lili Fo ni zibezi?”

246 Mi ali, “Mane Filipi a si ka kubiza kale, fani hanoli mwatasa kota, Ne ni ku boni.”

247 Cwale ki sikamañi sa fumani Natanaele? A fumana kuli yani neli yena Mulena wa Isilaele. Mi ali, “Ki Wena Mwana Mulimu. U Mulena wa Isilaele.” Sani kona sa na boni ha talima. Na amuhezi toloko ya Mañolo, a tiswa kwa liseli fapila hae. Na li boni, lona Liñolo leli swana lona leo Mushe ya tozizwe lana bulezi hana ize, “Uka zusa Mupolofita ya swana sina na.”

248 Musali fa lisima, na bile ni kutalima hañwi ka nako yeñwi, mi ki sikamañi sa na boni? A i patalaza mwa munzi. Mi ali, “Amu, mutobona Muuna Ya ni bulelezi lika ze ni ezize. Kana yo ha ki yena Mesia nji?” Hana talimile mutalimelelo wa pili ku Jesu Kreste, musali na boni Mesia.

249 Batu bakona ku talimela fa sika se siswana kacenu, ni ku Si biza kuli “minahano ya mwa toho fela.” Ba ka Si biza kuli “bulapeli bwa balimu.” Ba ka Si biza ka libizo la mufuta kaufela o ba bata ku Si biza ka ona, kakuli haba zibi se ba bata ha banze ba talima. Amen. Haba utwisisi. Ba talimela tuto ya tumelo. Ba talimela kuli ya butali mwa lituto a beye mwa sikuka hande. Ba bata ma membala babañata, mi ba palelwa kubona Mulena Jesu Kreste ya fuyozwi mwa Linzwi la Hae le li pakilwe. Kihande.

250 Ku itingile ku se musweli kutalimela. Haiba mubata ku talelezwa kwa sepiso ya kacenu, muka ibona. Kono, haiba mu talimela ku za zibo ya mwa toho fela, kamba nto yeñwi fela ye ba bata cwalo, mwendi ki mukalisi yomuñwi yomutuna, mutu wa za ikale, mutu usili fela cwalo, nto isili fela, mu ka palelwa ku I bona. Kono ha mu talimela ku Yena kufitela mwa Linzwi, Linzwi li ka paka hande Yo ali Yena.

<sup>251</sup> Na swabisize batu ba lizazi la Hae kuli ba eze ze swana. Neba palezwi ku Mu bona. Mi ali, “Mina baeteleli ba libofu muetelela libofu zeñwi. Mu bulela kuli Mushe ki mupolofita wa mina. Kambe mu mu zibile Mushe, ne muka Ni ziba nina. Mushe uñezi za Ka.” Mi nebali libofu hahulu kuli ba Li bone. Kono inge ba Li talimezi, kono bali libofu hahulu ku Li bona.

<sup>252</sup> Ni sweli ku tamahanya sani “mbengenge,” kakusasana cwana, fa mizuzu yelikani, mwa bona. Ba talimezi, mi ha ba zibi ze ba bata, kakuli bana ni minahano ye fosahalile ka se balika ku fumana. Ne muka ziba cwani se mubata ku fumana, haiba ne mu sa zibi sene mu bata?

<sup>253</sup> Kana mukona cwani ku yo zuma mupusi, kanti mane mwali kuba mubone fateni ulimuñwi kamba nihaiba ku utwa za ona? Kana mukona kuya cwani ku yo bata lihapu, haiba hamu zibi kuli kuna ni nto ye cwalo, ni mo i bonahalela? Kiñi, ne muka fumana mukoti, mi mu nahana kuli ki lihapu. Ne muka fumana sika si sili fela, nemuka fumana li sitina, ni ku nahana kuli kona lihapu.

<sup>254</sup> Kono mu lukela kuziba se mubata. Mi nzila fela ye muka ziba sa kueza, ni se mubata; haiba mubata Jesu, mu ka talimela kwa Linzwi, kakuli Yena ki Linzwi. “Ki Ona apaka za Ka. Mubale Mañolo.”

<sup>255</sup> “Mu bulela kuli mu . . . balumeli ba bapolofita, kono mu ba ndata mina yena diabulosi. Bashemi ba mina, baba ipulela; fani Mulimu hana lumile bapolofita ku bona, na ba beile mwa libita. Neba—neba bulaile bapolofita. Mañi ni mañi kaufela yana tile,” Jesu naize, “ki ufi wa bona ye ba si ka pobaula ka macwe bashemi ba mina? Mi misebezi ya ndata mina mu ka ieza.” Amen! Baana baba lukile, baana baba kenile, muuna yene musike ku supa munwana, kono Yena aba biza kuli “linoha ni mioya ye lunya ya diabulosi” Mwabona?

<sup>256</sup> Ki sikamañi se mutalimela? Haiba mubata mutu ya ipile? Batu babañwi ba hupula kuli kakuli Moya o Kenile ha ukile wa beleka ku wena, u lukela kuba mutu yo mutelele, ya ipile hahulu, ya zamaya kwa ni kwa mane kusina nihaiba. . . Wani hakona Moya o Kenile. Mulimu ha beleki ka mangeloi a cwalo, kamba a lukela kuba a cwalo. Mulimu una ni liswanelo mwahala batu. Bibebe ibulezi kuli, “Elia neli mutu yana ni mikwa sina luna,” kono nemusike mwaba ni yena ona cwalo fela konji mubone Jesu.

<sup>257</sup> Pitrosi ni Joani, fa munyako Omunde. Mi haba ba hohela mwahali mwani bakeñisa ku folisa muuna yani, “Neba ti lo lemuha kuli nebali litimbi, baba si ka ituta, kono ba to lemuha hape kuli nebali ni Jesu,” mwabona, kakuli Bupilo bwa Hae ne bu iponahaza ku bona.

Cwale, ku itingile ku se mutalimela.



258 Musali na balile Bibeले. Na zibile kuli ne kuna ni Mesia yana taha, mi na zibile sana ka eza Mesia yani. Mi ona fani Jesu hatoli ku yena, “Aku nife kwa mezi.”

Musali ali, “Ha ki swanelo.” Yo ki Muuna fela sina babañwi.

259 Cwale, kambe Na inzi fani inza tinile duku yetuna, ni mifuta kaufela ya za kuicakelela cwalo fa mubili wa Hae, za—za mutu yomuñwi ya kenile, kiñi, musali na ka bulela kuli, “Kihande, ki yani muprisita fani,” ni kuikela cwalo. Kamba, “Ki yani muluti wa mufuta wa hae,” ni kuikela.

260 Mukutazi, kamba nto yecwalo; Ne ni boni mutu yana tilo ca, kacenu, kone Ni ilo cela. Mi ni mutangana yani akena mwahali, na—na icakelezi lifapahano zeñata ni lika zeñwi cwalo; ki nto yende fokuñwi batu bani habana ni lika zani. Ni sepa mulukela kupila bupilo. Ha mulukeli kuba ni litino zeñata za bulapeli, kuli mubonise se muli sona. Fokuñwi ba nwanga, ni ku zwelapili ona cwalo hahulu, ni ku zuba likwai, ni lika kaufela, bana ni kutina litino za bulapeli kuli mane ba zibiwe kuli ki bakutazi kamba nee. Yeo ki niti.

261 Na mi bulelela, litino za bulapeli za lukela kutina mutu ki kolobezo ya Moya o Kenile. Sani kona se si ka ku paka kuli una ni Jesu! Yeo ki niti.

262 Cwale, lu fumana cwana, kuli zeo liitingile ku so bata. Mutu ya apezi hande, ya kusi mulao, ni mufuta wa si duku; hauna ku Mu bona, kakuli Yena neli fela Mutu wa batu fela. Mulimu utalimana ni mutu. Jesu nali Mutu; Mulimu nali ku Mutu, mi Nali yena Mulimu.

263 Cwale, lu fumana kuli musali yo, hana boni sisupo se si komokisa se, kuli Na konile ku mu bulelela sene si fosahalile, kamba sene sili mwa pilu ya hae, aziba ona fani kuli yani neli yena Mesia. Kacwalo, a talimela ku Jesu, abona Mesia.

264 Mesia, neli ifi misebezi ya Mesia? Neli ya kuziba likunutu za lipilu. Kana seo si utwahalile hande? Hani zibi haiba mwa utwisisa. Hane muka Mu talimela, busihu bo, ki sikamañi sene mu ka bata? Na kaba ya swana. Mesia ki yena Linzwi, kona Linzwi! Mi Bibeले ibulezi cwana, mwa Maheberu kauhanyo ya 4, kuli, “Linzwi la Mulimu li mata, kwa buhali lifita mukwale o lozizwe ka ni kafa, o puma mane ku yo fita ni kwa makauhanelo a masapo, mi li lemuhamaikuto ni milelo ya mwa pilu.”

265 Mi musali hana zibile kuli Mesia yani na lukela kuba yena Linzwi le li i ponahalize, mi na mu bulelezi sene si fosahalile ku yena, a ziba kuli yani neli yena Mesia. Isifi ka mwa Na tinezi, isñi ka buñata bwa tuto yana Nani; kono, ka sisupo sa Na mu bonisize, Na li yena Mesia. Mi musali ha bona Jesu, a bona Mesia; Mulimu ku Mutu, sina mone ku polofitezwi kwa tozo ya lusika lwani.

266 Kono kana mwa ziba nji? Buñata, bwa lilimo ze likana be Ni bulezi ku bona, bali kuba ba bone sika sani. Buñata bwa bona haba si boni. Kwa swana ni kacenu. Babañata neba si ka mu lemuha Mushe. Babañata neba si ka lemuha Elia. Babañata neba sika lemu- . . . Haba ba lemuhangi konji hase baile, kona ba ka lemuha cwale.

267 Ya sa lumeli na boni, mwa mazazi a Nuwe, fela kulumela kwa mazazi ani ne ku yemi kai? Ni mi bulelezi sa na boni mulumeli, cwale ha lu boneñi sana boni ya sa lumeli. Mwa mazazi a Nuwe, ki sikamañi sa na boni ya sa lumeli—na boni kwa mulaho hana talima? Na boni “mufitelezi wa tumelo, yana sitatala fela fa mukolo cwalo.” Sani kona fela sene ba boni. “Kuli ku muuna yomuñwi wa sikuba cwalo wa mahaha a limbi, yana latehezwi ki ngana ya hae, mi, ku shutana ni lipatisiso sa sayansi ni za ku batisisa, ali, ‘Kuna ni mezi mwa halimu mwani.’ Kiñi, mutanga wa mubotana yani!” Neba mu utwela makeke. “Ba mu fitelela; yena, na ka bizwa sikuba kacenu. U latehezwi ki ngana ya hae.”

268 Kono nana ni Linzwi la Mulena. Na sweli kuya inza yaha ona cwalo, fateni, ni Mulimu na nza bonisa bupaki bwa kuli muunda ne u taha. Neli sisupo ku bona. Bani bene ba si ka lumela likande la Nuwe ba pulyana mwa lififi, mi ba felela mwa lifu, mwa mezi, ni mwa libita la lihele.

269 Faro, na talimile nako yeñwi. Ki sikamañi sa na boni, na boni sikamañi Faro? Na boni “mufitelezi wa tumelo, ya bizwa kuli mupolofita, ni zeñata za kuipapata kuli ki kutuseha.” Kona fela sa na boni; kuli balubi ba sileze, mutanga yana yemi mwahala sicaba sa hae, ni kuipulela kuli na lumilwe ki Mulimu ku to eza limakazo. Kiñi, neba nahana kuli mutangana wateni na latehile. . . Bali, “Zamaya, mu mutuhele a tundana ona cwalo. Uka. . . Baka mu biza kuli ki ‘sikuba,’ kasamulaho nyana.”

270 Kono nana ni KISONA SA BULELA MULENA. Balumeli, Aruni, Joshua, ni buñata bwa bona, neba boni Mulimu ku Mushe. Ni misebezi ya Mulimu, Mushe na ieza, lani kona libaka hane ba zibile kuli Mulimu nali ku yena. Neba talimile mi ba bona Mulimu ku Mushe.

271 Muuna wa mufumi na talimile mi a bona handende Yo nali Yena. Mwabona? Kono a hana ku Mu latelela, kakuli na latile lika za lifasi, hahulu, kuli a latelele Jesu.

272 Ki bafumi babakai baba ka teezeza kwa tepu ye, ba mufuta wani! Hamu lukeli kuba baba fumile mwa masheleñi kamita; batili, mwakona kufuma mwa litakazo, kufuma mwa minyaka ya lifasi le. Ki baana babakai, ki basizana babakai ba banyinyani, mi ki bashimani babakai, ba basike kulekisa kabubo ka bona kubo manyaka silupi babañwi, kamba ku mu Ricky yomuñwi wa banjo kamba gita, ya zamaya inza tabisa batu ka lipina za rock-ni-roll, kamba mubinelo omuñwi wa kona kueza! Ki babakai ba kubona baba kona ku ipapata za sifumu ni kabubo ka bona, kono

ba hane, haba inzi mwahala mikopano mi ba talima Lizoho la Mulimu ha li zamaya ni kupeta Linzwi la Hae! Ki babakai ba baka eza cwalo!

273 Na ketile kopano ya hae. Na ka pila ka yona. “Jesu nali mufitelezi wa tumelo,” kwa kopano ya habo. Konakuli nana ni kunga sa na bulela Jesu, kamba ange fela . . .

274 Kiñi hana si ka ya ku muprisita wa hae, ni ku yoli, “Ki sikamañi se Ni kona kueza kuli ni be ni Bupilo Bobusafeli?” Na ziba kuli muprisita hakuna sa na ziba ka Zona.

Kacwalo a taha ku Jesu, mi ali, “Ki sikamañi se Ni lukela kueza?”

275 Jesu ali, “Buluka milao.” A li yumbela hape fa mautu a hae.

Mi ali, “Ni ezize kale zeo.”

276 Mi ali, “Buluka milao.” Kanti, na sina Bupilo Bobusafeli niteñi, mi na zibile kuli na sina. Wakona kubuluka milao kaufela, kono inge usina Bupilo Bobusafeli, niteñi.

277 Kacwalo Jesu ali, “Cwale haiba ubata kueza zende, zamaya u yo lekisa kaufela zo luwile, mi u abele babotana. Utahe, u Ni latelele.”

278 Kono sani neli nto yetuna hahulu ku yena. Mwabona? Lu fumana cwana kuli na talimile mi abona Yo nali Yena, kono niteñi ahana ku latelela. Mi mutalimelo wa hae otatama neli mwa lihele, atalima fahule nyana abona Lazaro mwa sifuba sa Abrahamama.

279 Pilato na talimile, nako yeñwi, hane ba Mu tisize. Na si ka Mu bona kale fateni. Mazoho a Hae na tamilwe; mali inza lota mwa mukokoto wa Hae; kuwani ya miutwa kwa toho ya Hae. Pilato atalima, a kolwa.

280 Kakuli, mbongolo neitile inge i mata mwa mukwakwa, mi mupahami wa yona atula fateni, mi amata atoli, “Amuhela, mufumahali wa hao u ku lumezi liñolo.”

281 Mi a talima fateni, mi musali ali, “Pilato, muuna ka ya latwa, usike wa ba ni sa kueza ku Muuna ya lukile yani, kakuli kacenu Ni katalizwe ka lika zeñata hahulu mwa tolo bakeñisa Yena.”

282 A ngangama. Mañwele a hae angubana hamoho. Mi ki hali, “Haiba ki Wena Mwana Mulimu, haiba ki Wena Mulena, kiñi ha U sa buleli? Kana ki Wena Mulena wa Isilaele?”

Yena ali, “U bulezi.”

Ali, “Lu bulelele niti.”

283 Mi ali, “Kona sene Ni pepezwi.” Mi Pilato a komoka. Yena . . .

284 Kaufela, mañi ni mañi, na sweli kukupa ni kulila kwa mautu a hae. Mi ali, “Nina ni mata a kuku bulaya Wena, kamba Nina ni mata a kuku lukulula Wena.”

285 Mi ali, “Hauna mata a sesiñwi, kwanda kuli na filwe ku wena Ki Ndate.” Whew!

286 Sha, na ikolwisisa kuli Yani na fitelela mutu. Na ikolwisisa handende kuli Na fita mutu. Kaniti, nali cwalo. Kono (sikamañi?) lipolitiki za hae ni kabubo neli zetuna hahulu. Mwabona, a Mu hanela. Kabubo ka hae neli kakatuna hahulu. Lipolitiki, mayemo a hae mwa bupilo, neli amatuna hahulu, kuli alumele mufitelezi wa tumelo yoo.

287 Hani zibi kuli ki bo Pilato babakai baba ka teezeza ku se, mina bakuli sibaka sa mina mwa kopano ya mina ki se situna hahulu, kuli mu amuhele Mulena Jesu wa niti ya yemi mwa sibaka Sali ku sona kacenu.

Musole wa Muroma, fa sifapahano, na talimile ku Jesu.

288 Kasamulaho lifasi limano ba ni ku kubama kokusabisa, ku zikinyeha kufitela macwe a bulumuka kuzwa kwa malundu. Mi lizazi la likela mwahala musihali tuna, mi la unsufala. Linaleli nelisika taha kuli limonyeha liseli la zona. Mi lifasi la panca cwalo ni macwe ni zikinyeho ya lifasi. Mi ni mamonyi a sikami sikami a myamyata mwa mbyumbyulu; ni kupazula lisila la mwa tempele kuzwa kwa halimu kuisa fafasi. Mi, sicaba sa mata ni ku huwaka, ne ba sa zibi sene si ezahalile.

289 Mi musole yani wa Muroma yana tusa ha Na kokotelwa fani, yana punyizwe mukwale kwa pilu ya Hae, ha talima, kono nako ne se i felile kale. Atalima mi alumela, kono nako ne se i felile kale kuli alumele. Sana ezize ne si mubizelize sinyeho ya hae; na table muwayo kwa pilu ya Mupulusi. Nako ne se i felile kale.

290 Hani zibi kuli ki Maroma babakai kacenu baba ezize nto yeswana, mi ni ba baka eza nto yeswana. Mwakona kutalima, zazi leliñwi, kono kuka bonahala kufela hahulu nako. Babañata ba kacenu ba kataha mwa lizazi lani mi babe ka mukwa o swana. Ba zibile.

291 Muzwale Wood kwanu; maabani. Ni bulela cwana bakeñisa fela kuli si mwa Liñusa le. Ona kwanu kwa Slider Company, kuna ni Muroma wa Katolika yainzi fani. Na ilo nga samende ye lubilwe ni macwe ya kubeya mwa keleke mo, mi, hana ezize cwalo, amu bulelela kwana itokwela. Mi mu Katolika wa Muroma ali, “Kana ki Muzwale Branham yani nji?”

“Eni.”

292 Mi ali, “Ni ka bulela nto iliñwi; ha lapela, Mulimu wa alabanga.” Mwabona?

293 Hani zibi cwale, ka kuziba cwalo, ka kubona bupaki bwa kuli ki Evangeli mwa niti, ha ki na; mutu kaufela ya yemela Krete. Ki Linzwi le lu ambola ka lona, ha ki mutu.

294 Ki sikamañi se Ni lika kubulela? Ki kuli, kakuli, ba bona Linzwi leli pakilwe hande patalaza, sina Pilato ni babañwi baba siyezi mone ba ezelize, inge musole wa Muroma, kono kana mu

ka libelela nako yetelele hahulu kuli muenze sika ka sona? Na lukela ku itusisa muwayo wa hae ka nzila isili. Minyako ika kwalwa, sina mone kuinezi mwa mazazi a Nuwe, mi fohe nako ikabe i felile. Mwakona kuzuha kakusasana omuñwi, ni kubulela kuli, “Ni bata kuzwa mwa masila aa.” Musike mwa libelelanga kufitela nako. Kihande mutalimele ni kupila ona fa cwale.

<sup>295</sup> Luther na talimile kwahule ni kopano ya Katolika. Ki sikamañi sa na boni? Neli Siita sa Mulilo. A bona keleke ye icemezi.

<sup>296</sup> Wesley na talimile kuzwa mwa kopano ya ba Anglican. Na boni nto yeswana.

<sup>297</sup> Ba Pentekota neba talimile kuzwa mwa likopano kaufela. Mi ki sikamañi sene sitile mwateni? Neli sikwata, sesituna.

<sup>298</sup> Ki sikamañi sene ba ezize yomuñwi ni yomuñwi? Fani bakalisi ba litumelo, Luther, ni Wesley, ni babañwi, mi hane ba talimile ni kubona sene ba ezize ni ku kalisa cwalo; bana ba bona, bene ba taha kwa mulaho wa bona, neba talimile kone ba zwelela, mwani mwa likopano, ni kunga sikwata sa batu bani kukena mwa kulyangana ko kuswana mone ba zwile.

<sup>299</sup> Ki sikamañi se mutalimezi? Bakalisi ba tumelo neba bonahala hande. Kono sicaba, sa ba latelela, ni kutalima kwa mulaho ku sene ba zwile bakalisi ba tumelo bani, ni kueza ona cwalo sene ba lwanisize bakalisi ba tumelo; bona baba tozizwe ba Mulimu.

<sup>300</sup> Mwa ziba, Nina ni kuakufa, kakuli Nina ni mukoloko wa tapelo, mi Ni ziba kuli buñata bwa mina muna ni kuya fa musipili.

<sup>301</sup> Zazi leliñwi Neni talimile. Na bona Linzwi ha liezwa nama. Neni boni Alfa ni Omega. Nali kuba ni bone babalalu, babane, kamba baba ketalizoho; Neni boni Alimuñwi. Neni Mu boni kuba Mupulusi waka. Neni Mu boni, yena Linzwi. Neni Mu boni, ali Liseli. Neni Mu boni, ili Mulimu Yamata. Neni boni Mulimu ku Yena. Neni boni Siita sa Mulilo. Neni boni, ku Yena, ona cwalo fela mone i bulelezi fela Bibebe mwa Na inezi. Na bona kuli Nali yena Alfa ni Omega, kuli Nali yena Siita sa Mulilo. Nali ya swana maabani, kacenu, ni kuyakuile. Ne ni boni ona Siita sa Mulilo sani mi ne si bulezi, ku Joani, “Za Kubateni kwa Hae ko kusa palelwi.” Sina ha na bulezi kwani ku Joani, sibaka sani, “Mi Kubateni kwa Hae ko kusa palelwi hakuna kuku siya.” Muzwale, munahano wa ka busihu bo, a muopele pina yani:

“Talimela upile,” muzwale waka, pila,  
 Talima ku Jesu cwale mi upile;  
 Kakuli ku ñozwi mwa Linzwi la Hae, haleluya!  
 Fela kikuli u “talimela upile.”

<sup>302</sup> Amutalimele! Ki sikamañi se mubona? Kana mubona tukuluho? Kana mwa bona seo Ali sona? Mutalime ka kufitela

mwa Linzwi mi mubone sa Nali sona, konakuli mutalimele ka kufitela mwa Linzwi leli swana mi mubone kuli ki Yena ya swana kacenu sina mwa Na inezi nako yani. Yena ki ya shutana kwa noha ya sipi yani ya mwa lihalaupa, bakeñisa taba yeswana, sibi ni butuku.

<sup>303</sup> Judasi na talimile, zazi leliñwi. Mi cwale ha talima, kasumulaho wa ku Mu talimela hande. . . Na sweli fela ku talimela fa tutu, fapila hae, ona poto ya masheleñi yene banani. Zazi leliñwi hana talimile ni kubona Jesu, mwa ziba sana boni? Na iponi kuli nana ni mulatu. Na boni kuli na sa lukeli kupila, mi aitamelela.

<sup>304</sup> Kakusasana omuñwi, leliñwi la linako za kakusasana mwa nako ya za kale kaufela. Ka kukwala, Ni bulela se. Neku na ni sene si ezahala mwa Jerusalema, mi hañwi fela sikwata sa masole ba taha kwa—kwa tolongo. Na utwa kulila kwa—kwa mawenge; ni kutwa miwayo ha ihohiwa mwa mikwakwa.

<sup>305</sup> Ki mañi yainzi kwa mulaho koo? Barabasi. U libelezi kushwa. Ki lisholi. Ha ki yomunde. Ki sisinyi. Ki sibulai. U ka shwa.

<sup>306</sup> Taba yapili mwa ziba, na bulezi kuli, “Kihande, ze ki zona kaufela kuna. Ni ka zekiswa kakusasana cwana.”

<sup>307</sup> Taba yapili mwa ziba, mulibeleli a kwalula sikwalo, “Zwela fande, Barabasi.”

A zwela kwande mi ali, “Kihande, Ni sepa a kona mafelelezo.”

Ali, “Barabasi, u lukuluhile luli.”

“Sikamañi? Ni sikamañi? Ni . . .”

“U lukuluhile luli! U lukuluhile,” Na bulela.

Ali, “Na Nikona ku lukuluha?”

<sup>308</sup> Mi ali, “Kihande, taha kwanu, Barabasi, talima *kwani*. Wa bona Muuna yani yasweli kushwa fani? U ngile sibaka sa hao.”

<sup>309</sup> Hani zibi haiba luna kaufela, busihu bo, lukona kutalima ni kubona sa na boni Barabasi, babañwi habanga sibaka sa luna? “Na titikezwi libi za luna, na holofalizwe ka bumaswe bwa luna. Koto ye lu fumani kozo ka yona iwezi Yena fahalimu; mi ka miupa ya Hae lu folisizwe,” Ne ni folisizwe, ne mu folisizwe. Hani zibi haiba, luna babana ni mulatu, baba lukela kukula, kana lwa kona kubona ku Yena tuso ya luna? Mina baba lukela kuya kwa lihele; amubone ku Yena tukuluho ya mina, ili tikiti ya kuya kwa Lihalimu. Hani zibi haiba mwakona kubona sana boni Barabasi ka lizazi lani?

<sup>310</sup> Mi ali, “Fa nako nyana lifasi halina ku Ni bona, kono mina muka Ni bona.” Oh, keleke! Konakuli, haiba Naize kuli, “Muka Ni bona,” kona bupaki bwa kuli mwakona ku talimela hape. “Muka ni Bona, kakuli Ni kaba ni mina, mane mwahala mina,

kuisa kwa mafelelezo a lifasi.” Ki lili? Kana mu Mubona cwani? Ki mwa Linzwi. Yena ki yena Linzwi. Mutalime fa Linzwi mi mubone seo sepiso ili sona, kakuli Yena ki ya swana maabani, kacenu, ni kuyakuile.

<sup>311</sup> Sa Nali sona fani ha Na zamaile mwa Galilea, kona nto yeswana Yali yona busihu mwa Jeffersonville, nto ye swana Yali yona fa Branham Tabernacle. Ki sikamañi se mutalimela kuli mubone, mukalisi wa tumelo, muuna wa kopano? Hamuna ku libona zeo ku Jesu. Kana mubona muprisita yomuñwi yomotuna? Hamuna ku libona ku Jesu. Batili. Kana mubona cwani Jesu? Ki ka Linzwi la Mulimu leli bonahalile, kakuli Nali yena Linzwi la Mulimu leli bonahalile. Sa Nali sona ka nako yani, kona Sali sona busihu bo, mi ukaba cwalo kamita.

<sup>312</sup> Halu inamiseni litho zaluna fa nako nyana fela. Ni ka pumela se mwa bu kuswani fela.

<sup>313</sup> Mulena Jesu, ki tapelo yaka, tuhela kuli ni talimele kwahule kuzwa kwa lipilaelo za bupilo. Mulena, Na—Na ziba luna lu batu ba fela fela, baba si ka ituta. Haluna buñata bwa sifumu sa lifasi le, kono lwa Ku lata, Mulena.

<sup>314</sup> Ni bata kuli Ni bulele kwa sicaba se. Ne basike baina mwa sibaka se si cwana, ni kutitihana ni ku sinana, ni mwahala sicaba; ni kuina, inge ku cisa, mwa—mwa kucisa ko ku cwana; kamba kuhazela mwa silami, ni kuyema mwa . . . ni kutisa bana ba bona ku bona, bakuli ni baba imezwi, inze ba taha cwalo; haiba ba taha kwanu ku to bona sika si sili kwanda Hao. Sicaba sani, Mulena, haba koni kutaha ku to bona mutu. Kuna ni batu babañata hahulu mwa mikwakwa; kaufela bona ba bonahala kuswana.

<sup>315</sup> Kono batile kuto bona Muuna yani, yena Muuna wa Mulimu yani, yena Jesu wa Nazareta mwa nama, inza li Mulimu. Cwale, Ndate, U lu bulelezi kuli, “Fa nako nyana, mi lifasi halina ku Kubona ni hanyinyani,” hakuna taba kamba neba ka talimela cwani, habana ku Li bona. Kono No bulezi kuli, “Muna Ni bona,” yena mulumeli wa niti, “kakuli Ni kaba ni mina, mane mwahala mina, kuisa kwa mafelelezo wa lifasi.” U lu sepisize, ha lu talimela, lu ka bona. Mi Na lapela, busihu bo, kuli U taleleze Mañolo ku luna hape busihu bo, kuli lukone ku talimela ni kubona Jesu inza itibahaza Iliyena ku luna, mwa nzila yeswana Ya ezanga kamita, inza taleleza Linzwi la Hae, kuzwa cwale kuya kwapili, Mulena.

<sup>316</sup> Mi Na bulela taba, ku sikaba kale se, mi Ne ni bulezi lika ze kaniti kuzwela mwa pilu yaka, ka za Mihohelo, mi No ni bulelezi. Mi cwale, kuya ka mo likona ku bonahalela za kunutu, kambe neluka nyapa fela lizwalo la luna, ni kubona haiba lika zani nelisika bulelwa kale, ka swanelo ka mo liinezi, kwanda kuli lizwe ku Mulimu.

317 Kana lukona kubona cwani nto Yapili yani ha i ezahala? Kana sa Bubeli si kona ku ezahala cwani? Kana sa Bulalu si kona ku ezahala cwani? Lukona cwani kuyema fa, likweli za kwa mulaho li si ka ezahala kale, ni kubulela sene si ka ezahala mwa Tucson? Mi ne lika kwalula Maswayo Asupa, ni ku kutisa hape kunutu, ni kupatulula lika ze patilwe za Mulimu, ze patilwe haisamba makalelo a nako. Ni ku libona, zepeli cwalo li pakilwe, li pakilwe, li bonahalile ka bupaki bwa sayansi!

318 Mulena, Wena u masabelo a luna ni mata. Wena ki wena lika zaluna kaufela ze lu nani. Mi Na itumela ku Wena, kakuli, Mulena, kakuba siemba sa sifumu sesituna sa Hao se. Na itumela ku Wena, kakuba membala wa Mubili wa Hao, hamoho cwalo ni babañwi mo babali ba Mubili wani, babañata ba likeleke ze shutana, babali ma membala ba Mubili wa Kreste.

319 Nako kaufela ha lu talima, lwa Mubona! Lwa Mubona linyunywani ha liopela. Lwa Mubona lizazi ha li pazula, kamba ha li likela. Lwa Mu utwa mwa lipina. Lwa Mubona mwa sicaba sa Hae. Lwa Mubona ha nza paka Linzwi la Hae.

320 O Mulena, ki Wena Mulimu wa luna. Isali kakusasana lu ka biza ku Wena. Wena ki wena Ndata luna ya sishemo. Lu swalele lifoso zaluna.

321 Mulena, lu kwa nako ya maungulo. Ni bona minyako kuli ika kwaliwa cwanoñu, minyako ya kolo. Mi haisali musihali mi Na kona kukena mwa libaka zeñwi ze, Mulena, ni tuse kuli ni zamaye. Ni ya ni supala; ni fe mata. Ancafaza bunca bwa ka, Mulena. Ni tuse, kuli Ni kone kueza nto yeñwi kwande kwani, cwale, bakeñisa kuli Ni libelela nako tuna yetaha ye, yekaba fa. Ni tuse, Mulena, hanze Ni ya cwalo, kuli Ni be ya kwanisa, mwa nzila yeñwi cwalo, kuli ni swale Peu ya mafelelezo ye lelilwe yani, ye ka tisa Mulena Jesu. Tusa, O Mulimu!

322 Mi haiba Ni toma mutomo wa ka yema fateni mutu, lumeleza, Mulena, kuli cwanoñu li ezahale, kuli Linzwi likone ku talelezwa.

323 Takazo ya lipilu za luna ki kubona Linzwi la Hao ku talelezwa. Lwa Ku lata. Lwa Ku lumela. Mwahala sicaba se si sa lumeli, sicaba se si kakanya se, lusika lo—lo—lo luna ni kacenu, Mulena Mulimu, lu sa lumela kuli Linzwi la Hao halina ku palelwa. Lu lumela, kuli, “Lihalimu ni lifasi li ka fela, kono Lona halina kufela.” Lu yema ka kutiya ku Lona.

324 Cwale, Ndate, kwa sicaba nyana se si libelezi se. Kuna ni babañata ba bakula mwahali mo. Mi hakulata kwa kona kuba baba si ka piliswa kale mwahali mo. Batu baba pilisizwe, kono mane ki ba basika tazwa kale ka Moya o Kenile. Mulena Mulimu, a Ku tahe cwalo mwa sibaka, ka Linzwi la Hao la sepiso, kuli sicaba si talimele mi si bone Jesu, mi kipeto si kubame ni kufa lipilu za sona ku Yena. Bakuli haba talime ni kubona kuli ha



ku konahali kuli sika si sili sikone kutusa, kwanda Mulimu fela, kakuli ki Linzwi la Hae la sepiso.

325 Se lu bulezi kacenu, Mañusa amabeli, a si pakiwe cwale. Kaufela li mwa mazoho a Hao, Mulena. Mi Nina ni mwa mazoho a Hao. Mi ni—ni kopano i mwa mazoho a Hao. Beleka kufitela ku luna, Mulena, kuli lu kuteke Libizo la Hao lelituna. O Wena wa Kuyakuile, lumeleza lika ze kwa kanya ya Mulimu. Amen.

326 Na ziba kwa cisa, mi Ni bata kulika ku lapelela bakuli cwale. Mi haiba muka nifa fela mwendi mizuzu ye lishumi ni ye ketalizoho, ye mashumi amabeli, Hani zibi kuli ki makadi amakai oba konile kufa, kono luka kalisa fela ka ku lapelela bakuli.

327 Cwale, Billy na ni bulelezi kuli ufile makadi, neli bukai yani? [Yomuñwi uli, “Mwanda ulimuñwi.”—Mu.] Ki mwan- . . . Sikamañi, sikamañi? [Yomuñwi wa alaba.] Ku lukile. Kihande, halu kaliseñi. Ubulezi kuli nafile kuzwa fa wani kufita fa mwanda. Ki babakai babana ni makadi a litapelo mo? Ha munanule mazoho amina; makadi a litapelo. Kihande, kuna ni babañata nyana. Luka lika kufita kwa lika kaufela ze lukona kufita ku zona, haiba lu kona. Cwale, haluna kukona kuba ni temuho ku bona kaufela, mwa ziba, kacwalo luka lapela fela. Mi, mañi ni mañi, ki babakai mo baba sina kadi ya tapelo, kono kanti mwa kula? Ha munanule mazoho a mina. Ki babañata.

328 Cwale, mutalime. Ki sikamañi sani? Cwale, Na ziba, lwa kona kuba mo—mo ka kuliyeha nyana kufita mone ku lukela kubela, mwendi ka mizuzu ye lishumi ni ye ketalizoho, kono Ni bata kubulela nto ilinwi. Ikona kuba nto yeshutani mwahali, mo, kupila mwa Kuyakuile mwa Lihalimu kamba Lihele. Mwabona? Mutalime, mube ka likute mi mubone, fa muzuzu fela, muteeleze kwa Linzwi, mi mubone haiba Usali yena Krete ya swana.

329 Cwale, mutu kaufela mo ni sepa wa ni ziba. Mi buñata bwa mina ha Ni mi zibi, kakuli ha Ni bangi kwanu nako yetelele kuli ni mi zibe. Mi buñata bwa mina mu zwelela kwande a tolopo. Ki babakai baba zwile kwande a tolopo, munanule mazoho a mina. Mwabona?

330 Cwale, Ne ni buzize mutu yomuñwi, ka zazi lelinwi, mi Nali, “Kana wa tahanga ni wena?”

331 Ali, “Hakuna tuso kuli lu tahe.” Ali, “Kuna ni babañata hahulu ba bazwa kwande a tolopo, baba tahanga kwani, halukoni kukena mwahali.” Mwabona?

332 Kono sani—sani si i ketile. Luka ba batela mukwa wa kuli bakenange mwahali. Mu tahe, ni hakuli cwalo. Mulemuhe, neba na ni kolo mina musi kaba kale ni ya mina. Eehe.

333 Cwale muhupule, cwale, Na ni muzwale wa mina fela. Na sepa mwa utwisisa cwalo. Na ni mutu; Yena ki Mulimu. Kono Mulimu ukona fela ku beleka, mi kamita ubelekile, mi

ubelekanga fela, ka kufitela ku mutu. Cwale mutalimele busihu bo, isiñi kuna kamba ku mutu usili fela, kono ku Jesu Kreste.

334 Cwale mutalime busihu bo fa Mañolo, sa Na sepisize. Ki babakai ba mina . . . Na kona fela kufa mifuta kaufela ya Mañolo, kono ki babakai baba ka lumela fela Maheberu 13:8, kuli, “Jesu Kreste ki ya swana maabani . . .”? [Kopano ili, “Amen.”—Mu.] Mi ki babakai baba lumela Joani 14:12, “Misebezi ye Ni eza ni mina muka ieza hape”? [“Amen.”] Mwabona? Ki babakai baba lumela kuli Na sepisize kuli ona lika luli za Na ezize, ka nzila ya “kulemuha milelo ni lipilu,” kuli zeo nelika kuta hape mwa lizazi la mafelelezo bukaufi fela ni Kutaha kwa Hae? [“Amen.”] Uh-huh. Luli. Luna kaufela lwa ziba cwalo. Ku lukile. Oh, ki amakai hape, Mañolo aeza mianda anda, kono lwa ziba cwalo!

335 Cwale mutalime. Musike mwa talima kubona mukutazi. Musike mwatalima mulisana. Mutalimele kuli mubone Jesu. Musike mwabona mutu; amubone Jesu. Ha mu talima, mubone Yena. Kambe Ne ni ka mitusa, Ne ni ka eza cwalo, kono ha Ni koni. Hani koni ku mitusa; Na ni muzwale wa mina fela. Kono, Yena ki Mulena wa mina, mutalime ku Yena mi mulumele. Ku lukile.

336 Cwale halu kaliseñi ka nombolo ya kadi ya tapelo . . . Kihande, luka kalela ka nombolo yapili. Ki babakai . . . Nombolo yapili, ki mañi yana ni kadi ya tapelo yapili? Munanule mazoho a mina. U inezi kai? [Yomuñwi uli, “Kwa mulaho kafale.”—Mu.] U talusa kuli ya hao . . . [“U yemi.”] Neli cwalo? Oh, mu Ni swalele. Ku lukile. Nombolo yapili, yaha kwanu, kalibe, kihande . . . Ki nzila ifi yo bata ku batisa ka yona, nzila ki *ye*? Ku lukile, mu tahe ona *kwanu*, haiba—haiba wakona ku zamaya. Haiba mutu wa bizwa cwale, ya li sihole, babañwi ba luna ba ka kutusa ku nanuha. Nombolo yapili.

337 Nombolo ya bubeli, ki mañi yana ni kadi ya tapelo ya bubeli? Nanula lizoho la hao, kapili mo konela. Nombolo ya bubeli, ikai yani? Ha ni i boni bati. Kakai? Mu ni swalele, Hani—Hani koni . . . Ki ye fa, kalibe.

338 Nombolo ya bulalu, kana wakona kuyema, kamba nto yeñwi? Yeo ki niti, nombolo ya bulalu.

339 Nombolo ya bune. Kadi ya tapelo ya bune, kana wakona ku nanula lizoho la hao? Ikai yani sha? Bati ha Ni i boni. Kadi ya tapelo ya bune. Muli cwani? Nombolo ya bune.

340 Nombolo ya bu ketalizoho. Ki mañi ya na ni ya bu ketalizoho, kana mwakona ku nanula lizoho la mina sha? Ha ni liboni. Nombolo ya bu ketalizoho.

341 Nombolo ya bu silezi. Nombolo ya bu silezi. Kapili, kapili luli, nombolo ya bu silezi. Ku lukile.

Ya busupa. Wena, ya busupa? Ku lukile. Seo si lukile.

342 Eiti. Eiti, kapili cwale. Amu nanuhe, kapili. Ku lukile, eiti. Seo si lukile, sha.

Naini. Naini, iinezi kai yani? Nombolo ya bu naini. Ku lukile.

Nombolo ya bu lishumi. Lishumi, ku lukile, lishumi, kiye fa. Lishumi.

Ilebene, twelufu, setini, fotini, fifitini.

343 Mi hanina kubiza babañata hahulu, kuli mube ni... Mwabona, libaka le lu ezeza se... Ki kadi fela ni nombolo fateni, mwabona, mi mutahe fela ka nombolo ye. Zeo li ba beya mwa mukoloko haba nze ba taha.

Fifitini. Kadi ya tapelo ya bu fifitini. Ku lukile.

344 Sikisitini, sebentini, eitini, naintini, twenti, twenti wani, twenti tuu, twenti sili, twenti fo, twenti faifi.

345 Bao haba tahe, mwa mukoloko cwale, twenti faifi, kufitela muba ni mukoloko o pangilwe hande. Mu nanuhe fela cwale kuya ka linombolo za mina. Yeo ki niti. Musike mwa taha kaufela mina sikusha hamoho. Mutahe kwa neku leliñwi, haiba muka kona, haiba mu kwabuse ka foo, mi mwa taha. Cwale twenti-... .

346 Lu bizize bukai, twenti faifi? [Yomuñwi uli, “Twenti faifi.”—Mu.] Ku lukile, halu yemeleñi fa twenti faifi, fa muzuzu fela. Ku lukile.

347 Cwale Ni li, haiba ha mulati kuyema fa nako yetelele hahulu, hamu ka bona kuli iya i kusufala, kipeto mwakona kuyema hamoho ni bona; twenti faifi, twenti sikisi, twenti sebene. Fela, kihande, amu libelele, pili mukoloko u kusufale hanyinyani, hamuna kukona kuyema, nako yetelele hahulu.

Cwale halu inamiseni litho zaluna.

348 Oh, balikani, cwale ki sikamañi? Cwale lu kai kana? Cwale lu kwa—kwa maungulo. Lu kwa nako fo lukela ku ezahala sika, kuli “ee” kapa “awa.” Mulimu una ni kufumanwa kuli ki ya lukile kamba ki ya fosahalile.

349 Cwale, kacenu Ni katalize likutaza zepeli, katata, kulika ku mi bulelela seo Ali sona, ku mi bulelela kuli nako se ifela; Sali sona, sa Nali sona. Mi cwale ha lu talima, busihu boo, halu Mu talimeñi.

350 Cwale, mutu kaufela, ka Libizo la Mulena Jesu, muine mwa lipula za mina cwale. Musike mwa filika filika. Muine fela mu kuzize kufitela ha mu ka bizwa. Mutuhele bana ba banyinyani... .

351 Cwale, haiba Ni ka bulela kuli, “Amu inamiseñi litho za mina,” mueze zeo kapili, mulatiwa, kakuli lika ze maswe za zwanga, ze cwale ka kansa ni matuku, mi li ya mwahala sicaba, ni kukena ku babañwi. Kaufela mina baba lumela cwalo, mi mu ziba kuli ki Mañolo, muli, “Amen.” [Kopano ili, “Amen.”—Mu.] Lu fumana, mwa Bibehe, kuli mioya ye maswe neizwa ku

yomuñwi ni kukena ku yomuñwi, hane ilelekiwa. Mi ya lika kufumana sibaka.

<sup>352</sup> Mi ki linako zekai ha lu boni zeo mwa mukopano! Batu ba tahanga kwa mukopano, baba i ketile mwa mibili ni kuba hande, baina fani ni ku nyaza; mi, lizazi liliñwi kamba amabeli kasamulaho wa fo, ba fumaneha kuba libofu luli, kamba ba natilwe ki kansa, bana ni luñañali. Mwabona, kakuli neba sa lumeli. Hanina buikalabelo ka bona; ni talimana fela ni balumeli. Buñata bwa bona ba felezi mwa libaka za lipulumuki, myaha ye miñata kwa mulaho, mi isali ona mwani, babañwi baile kwa mabita a bona, bakeñisa fela kuba ni mahanyi, ku sa lumela.

<sup>353</sup> Hakuna sibaka sa ya sa lumeli cwale. Ki sibaka sa balumeli. Mube ni tumelo ku Mulimu!

<sup>354</sup> Ndata luna yakwa Lihalimu, cwale mukopano ki wa Hao; ubile wa Hao, linako kaufela. Cwale, Na kona kubulela ka Linzwi la Hao; kono cwale, kuzwa fa kuya kwapili, Hanisa bulela. Ki Wena Ya sweli kubulela cwale, Mulena. Ha ku zibahale kuli mutanga Hao uba bulelezi Niti. Batu babañata mo, mwendi babañata ki bakuli, mi mane habana kuba mwa mukoloko wa litapelo, kono Wena usali mo, Mulena. Wakona ku folisa kwande kwani, inge fela Mo kona kufoliseza kai ni kai. Tuhela kuli Linzwi la Hao li zibahale, ka Libizo la Jesu, Na lapela. Amen.

<sup>355</sup> Cwale haiba Ni kona kuba ni ku sa ikaba kwa mina fa nako nyana fela. Ni bata kutalima fafasi fa mukoloko wa tapelo wo. Hani sepi kuli Na ziba fateni nihaiba mutu alimuñwi. Mina, baba liteñi mwa mukoloko wa tapelo wo, baenyi kaufela kuna, mwa ziba kuli ha Ni mi zibi? Ha munanule mazoho a mina haiba mu cwalo. Ba cwalo. Ki babakai kwande kafo baba ziba kuli Na hakuna se ni ziba ka mina? Mu nanule mazoho a mina, kwande kafoo, mwabona. Luli, buñata luli mapesenti a nainte faifi a sicaba mwahali mo, Hani ba zibi. Yeo ki niti.

<sup>356</sup> Cwale ki yo fa musali yomunyinyani, Nali kuba ni mubone fateni mwa bupilo bwaka. Yo ki muenyi luli kuna. Cwale, hakulata ukwanu bakeñisa kukula. Wakona kuba mo. . . Mwendi kuna ni sa ezize. Mwendi utile kwanu bakeñisa masheleñi. Mwendi ki butata bwa kwa lapa. Mwendi utile kwanu bakeñisa mutu usili. Hani zibi. Hanikoni ku ziba hakuna mukwa.

<sup>357</sup> Kono ki se fa siswaniso hande se si fumaneha ku Muñoli Joani, kauhanyo ya 4, muuna ni musali ba kopana ka nako ya pili. Mi hakuna ku kakanya, kuli, musali yomunyinyani yakile akatana Jesu, Yena nali yomuhulu kufita musali, kakuli, “Yena,” neba ize, “Na bonahala kuba wa lilimo ze mashumi aketalizoho, kamba kufitelela mashumi aketalizoho,” mi mane yena neli fela musali yomunyinyani yomunde yana zwezi kwani kwa lisima, neli fela musizana yomunyinyani. Mi ki fa hape, busihu bo, batu bababeli ba kopana, mwanana ni yomuhulu, kusina ku zibana yomuñwi ni yomuñwi.

358 Mi cwale uyemi fani. Kuna ni libaka la tezi kwanu. Hani zibi. Hakulata ukona kuba fani, kuba lihata. Ukona kuyema fani, inza bulela nto yeñwi, kanti ha kucwalo, kubona fela se si ka ezahala. Haiba ku cwalo, mutalimele se si ka ezahala. Mwabona? Mwabona?

359 Cwale, Na hani muzibi kalibe yo; Nali kuba ni mubone fateni. Na nanuzi fela lizoho la hae, fa nako nyana ye fitile, kuli Ni muenyi ku yena. Mi Ni nanula lizoho laka, ki muenyi kuna. Nali kuba ni mubone fateni. Kihande, cwale haiba Nika . . .

360 Ka kuba fela mutu, Ni ka bulela kuli, “Kalibe, una ni butata mañi? Ki sikamañi so eza mo? U bata mañi?”

361 Mi na ka bulela kuli, “Bo Branham, Ni—Ni tile kwanu kakuli Ni—Ni katazwa ki—ki kansa. Ni katazwa ki TB. Ni katazwa ki kululuha.” Kamba, “Hanina masheleñi. Ni . . . Muuna ka uni siile.” Kamba, “Hani si ka nyala, mi nyazi wa ka u ezize sa kuli.” Na ka ni bulelela.

362 “Kihande,” Ne ni kali, “ku lukile, Nika—Nika—Nika ku lapelela; ni ku kubeya mazoho, ni kubulela kuli, ‘Mulena Mulimu, fa musali yo sa bata. Amen. Jesu, si eze!’” Tuhela kuli aikele. Kihande, Na sepa, haiba wa lumela cwalo, na ka fola. Seo si lukile. Sani kona sesi bile bulumiwa ka lilimo zeñata, ñata.

363 Kono ne ku sepisizwe, mwa mazazi a maungulo, kuli sina Lingeloi, Mulimu, mwa na pilela mwa mubili wa butu ono tile Sodoma isika cisiwa kale, mi Aina mukokoto wa Hae unzo fulalezi kwa tende mone ku inzi Sarah, mi abulelela Abrahamama sa na nahana musali mwa tende; Mulimu, mwa mubili wa butu, na apezi litino za butu.

364 Mi yani kona nzila fela inosi yeo Mulimu akona kueza ka yona kacenu, ki fo Ha kena mwa nama ya hao, mwabona, ku bonisa kuli Mulimu na ka bonahala mwa mubili wa nama.

365 Jesu naize, “Sina mone kuinezi mwa mazazi a Sodoma, kona mo ku kabela fa kutaha kwa Mwana mutu.” Luna ni mulumiwa, Billy Graham ni babañwi kwani mwa Sodoma, kono Keleke ye ketilwe ne i amuhezi Liñusa mulumiwa.

366 Cwale, haiba nji kalibe yomunyinyani yo . . . haiba nji Moya o Kenile. . . Lusike lwali Uka eza, kono ni haiba Na ka taha ku to ni bulelela so yemezi fa, kamba—kamba so bata, kamba sika so ezize, kamba sika so libelela kueza. Kupalañi, no ka ziba kuli ne si ka zwelela kwa makalelo amañwi a buipiteli, kakuli luna lu yemi fela fa, mwabona. Sani ne si ka ba hande, nji cwani? No ka ziba kuli ne si ka zwelela kwa makalelo amañwi a buipiteli. Mi haiba Bibebe ibulezi kuli Jesu na ezize nto yeswana yeo, mi usepizize kueza hape mwa mazazi a maungulo a, konakuli no ka lumela kuli ki Yena. Ki babakai bene ba ka lumela nto yeswana? [Kopano ili, “Amen.”—Mu.] Kona kuli ne mu ka bona Jesu. Ne muka bona Linzwi la Hae.

Cwale muli, “Kana ki Yena Linzwi nji?”

367 Bibele ibulezi kuli ki Yena Linzwi. Mi Bibele ibulezi kuli Linzwi li lemaha milelo ni maikuto a mwa pilu. Kana ku cwalo? [Kopano ili, “Amen.”—Mu.] Konakuli ikona kuba Linzwi leli bulezwi ka milomo ya mutu, kulemuha milelo.

368 Cwale, Hani koni. Hani na mukwa wa kueza ka ona, mwabona, kakuli Hani mu zibi; kono Yena wa mu ziba, mi Yena ki yena Linzwi.

369 Mi ki Yena Ya kona kunga mioya ya luna hamoho, inge musali fa lisima, ni Yena, ni ku i kopanya; mi kipeto ni kuikela ni ku ni bonisa sa tezi kwanu, sa ezize, kamba sa bata, kamba nto yeñwi. Konakuli Na kona kuitalusa ni i bulela, mi kipeto ku itingile ku yena.

370 Cwale muli, “Muzwale Branham, kana wakona ku mu folisa nji?” Batili, batili. Hani koni kueza cwalo. U liezize kale zeo. Ka miupa ya Hae ne lu folisizwe.

371 Kono seo fela ki ku nanula tumelo ya hae, kuli akone kuziba, kuli, haiba Wa ziba sa bile sona ni seo abata, Wa ziba—Wa ziba mwa ku si fela ni sa kaba sona kasamulaho. Kana ki niti yeo? [Kopano ili, “Amen.”—Mu.] Cwale, mañi ni mañi mwa lumela cwalo? [“Amen.”]

372 Cwale mube ka likute luli. Ni mina sicaba kwande kafoo cwale, baba sina makadi a litapelo, mu lapele.

373 Cwale, muhupule, Jesu na fitile mwa sikwata zazi leliñwi, mi musali yomunyinyani aswala sapalo sa Hae. Mi A sikuluha, ali, “Ki mañi ya Ni sweli?” Mi A talima kai ni kai mwahala kopano konji A to mu fumana, ni ku mu bulelela kuli nana ni butuku bwa mweya. Mi mali a hae ayema ka yona nako yeo. Mwabona?

374 Cwale, Bibele ibulezi kuli Yena cwale ki “Muprisita Yomutuna ya kona ku swaliwa ka maikuto a matuku aluna.” Kana ki niti yeo?

375 Ni talimezi kwanu ku Muzwale Way, ya inezi bukaufi ni musala hae. Cwanoñu nyana kwa mulaho muuna yo na yemi fa hane Ni sweli ku kutaza, inge fela Paulusi ha na kutalize busihu kaufela busihu bobuñwi, mi muuna yo awa inza shwile mwahala sicaba. Mi Moya o Kenile wa mu kutisa kwa bupilo hape. Ki yena paki, mwabona, kuli, “Jesu Krete ki ya swana maabani, kacenu, ni kuyakuile.”

376 Ki babakai babasika bona kale fateni Muzwale Way, mi babata ku mu bona; mu nanule mazoho a mina, mwali kuba mu mubone fateni. Muzwale Way, kana wakona kuyema sha? Ki yo muuna wateni, na wile inza shwile bukaufi nyana ni fa inezi ona fa cwale. Ki yo fa musala hae, ki nasi ya itutile hande, uyemi fani. Pilu ne i sa nati, neibatile; meto a hae na kwalilwe, mi na sa unsufezi kwa sifateho; butuku bwa pilu.

377 Dokota amu bulelela kuli nana ni butata bwa pilu. Ku sikaba kale cwalo, Ne ni fumani cwalo ka temuho, haki kale hahulu, mi na mu bulelela kuli nana ni butata bwa pilu. Mi cwale, hañihañi fela, pilu ya hae ya tuhela, mi yaya ikuta mwatasi. Mi ki yani aina fani, inza lobezi fani, ashwa ku shwelela luli.

378 Zani seli linako ze silezi kamba ze eiti zeo Ni boni Mulena Jesu a zusa mutu kwa bafu. Ne ni Mu boni ha si eza, mi Wa kona kueza cwalo busihu bo.

379 Cwale Ni nga moya kaufela, oliteni mwahali mo, mwa tamaiso yaka, kwa kanya ya Mulimu, ka Libizo la Jesu Kreste. Mube ka likute. Mutalimele.

380 Ni bata kuambola ku wena, kalibe. Ne ni sweli kukutaza, wa bona. Mi ka kuswala fela moya wa hao, sani kona luli se Ni sweli kueza. Mwabona?

381 Kuna ni sika ku wena, ki bupilo, kusi cwalo kambe ha usika yema foo; no ka ba fela sinto nto fela, kulobala inge ushwile, mi nosike wa ba ni bupilo ku wena. Kono, bakeñisa kuli kuna ni bupilo mwa mubili wo, bwa ku zamaisa. Mwa bona? Mi cwale neba milelo ya hao ni so nahana, manzwi o bulela, ni lika kaufela, kona zo pila ka zona. Mwabona? Sani kona soli sona, ki manzwi a hao, milelo ya hao, ni soli sona kaufela.

Cwale, luna, ki luna ba fa, lwa lumela. Cwale Moya o Kenile. . .

Inge Jesu mwa na bulelezi musali, “Aku Ni fe kwa mezi ninwe.”

382 Mi, hana tisize, ki hali, “Kiñi, Wena, Ha ulukeli ku ni kupa zeo. Na ni—Na ni Musamaria. Wena u . . . Wena u Mujuda. Haluna kutwano mwahala ku luna, hakuna—hakuna mukwa, manzwi ku mañi ni mañi.”

383 Cwale, kono, eeni sha, luna lu Bamacaba sibeli sa luna. Mi lu yemi fa ka kulumela fela ku Mulimu. Cwale, haiba nji Moya wa Hae utaha ka na mwa mpo, mi nikone ku kubulelela; mi uka ziba haiba ki niti kutokwa, kakuli u pilile mufuta wa bupilo bwani. Konakuli, konakuli wakona kuba ni mpo, ya kulumela cwalo. Mi haiba uka lumela, mi A ku bulelele ka zona, konakuli ku felile. Mi sika beleka ku mañi ni mañi mo. Cwale, mañi ni mañi mube ni likute luli.

384 Mi kalibe u katazeha ki nto yeñwi mwa mumizo wa hae. Ki ku kula mumizo. Haiba yeo ki niti, nanula lizoho. Cwale, Nali kuba ni mu bone fateni mwa bupilo bwaka. Yeo ki niti. zeo kona za tezi kwanu, kuli ni to lapelela mumizo wa hae.

385 Cwale, ona fani, ha Ni bulezi fela ona cwalo, kamba sani sisika ba kale cwalo, na sweli ku . . . Na zibile kuli kubile Sesiñwi fa kaufi ni yena. Sesiñwi sitile fa kaufi ni yena, ona fani. Mwakona kubona maikuto ku yena, ki maikuto amande, luli, a mukeni.

386 Liseli lani le mubona mwa siswaniso. Uinezi kai, George? Liseli lani lene lili mwa siswaniso, lisweli ku lepelela fahalimwa musali yo, ona fa cwale. Mwabona, ki kalulo yeñwi ya sibaka. Ki mulumeli, isiñi ya likanyisa kulumela. Ki mulumeli.

387 Cwale, bakeñisa kuli u mulumeli, wa ni lumela kuli ni mutanga Hae hape ni mupolofita? Una ni kulumela, kuli u zibe cwalo. [Kezeli uli, “Eeni, sha.”—Mu.] Kana wa lumela kuli Wa kona ku ni bulelela lika zeñwi zeli mwa pilu ya hao? [“Eeni, sha.”] Ku lukile.

388 Ki ye nto yeñwi yeli fa pilu ya hao. Ki mutu yosweli ku lapelela; mwana. Wa lumela kuli Wakona ku ni bulelela se si fosahalile ku yena? Una ni kokwani. Kana ki niti yeo? [Kezeli uli, “Yeo ki niti. Eeni.”—Mu.] Kana u lumela kuli Mulimu wakona ku ni bulelela yo uli yena? [“Eeni, sha.”] Ki wena musala Bo Walker. [“Kulukile.”] Wena ha zweleli kwanu. [“Batili.”] Uzwelela kwa Mboela. [“Kulukile.”] Georgia. [“Kulukile.”] Zamaya kwa hae, uiketile. Jesu Kreste u ku folisize wena ni mwana hao. Usike wa bilaela ka zona. Li felile. Mulimu aku fuyole, kezeli.

389 U ikutwa cwani? Cwale ki yo fa musali yomuñwi. Ha ni mu zibi, nali kuba ni mubone fateni. Ki musali fela ya yemi fani. Cwale mutalime, Ni bile ni kutaza, fela ona cwalo, kuzwa ka eiti kiloko, mi cwale seli teni fa. Seli lihola zepeli inge Ni yemi fa. Temuho iliñwi yani ini fokolisize kufita lihola zepeli za ku kutaza. Mwabona? Yani ki . . . Mwabona?

Mu li, “U talusa kubulela ona cwalo?” Oh, eeni.

390 Musali yani yana sweli mungundo wa sapalo sa Hae. Na bulezi kuli, “Ni lemuhile kuli mata a zwile ku Na,” mata. Kana ki niti yeo? Sani kona se si ezahalanga.

Cwale, ki yo musali fa ye Ni si kabona kale fateni.

391 Billy naile kwande kwani, haiba kuna ni se mu lemuhile, nailo nga mushimani ye lu beile kwanu yo hamoho ni luna, George. Ki mushimani wa Baptist. Ni bata kuli abone ze lu ambola ki za Mulimu. Ndatahe ki, lubasi, ki sicaba sesinde. Ba inzi mwa Mexico, ki mubuleli, muuna yomunde. Mi ndatahe ki mukuli ni yena, hape. Ni libelezi fela kuli atahe. Cwale mutalimele fela hande ka tokomelo, George.

392 Cwale, kalibe yo, Ha—Ha—Ha ni mu zibi. Na—Na li kuba ni mubone fateni. Ni sepa kuli lu baenyi ku yomuñwi ni yomuñwi. [Kezeli uli, “Yeo ki niti.”—Mu.] Ha lu zibani.

393 Kono cwale, Moya o Kenile, munati wa Jesu haunzo li teni, luna kaufela lu lipaki za seo. Cwale haiba Mulena Jesu uka patulula kuna sesiñwi ka wena . . .

394 Cwale, kambe Ne ni ka kona ku ku folisa, Ne nika eza cwalo, kono Hani koni kueza Sa ezize kale. Taba fela ki kuli, kambe Yena na ka yema fa busihu bo mwa suti ye ni tinile ye, yona ya Na ni file, kihande, cwale, Yena—Yena na sike kuku folisa, kakuli U



ezize kale seo. “Ka miupa ya Hae lu folisizwe.” Mwabona? Kono nto fela ya Na ka eza, neikaba kuipulela Iliyena ka Linzwi la Na sepisize, ni ku kueza kuli u bone kuli ki Ya swana maabani, kacenu, ni kuyakuile. Mi Na sepisize ku sieza.

<sup>395</sup> Cwale haiba Uka itusisa na kuli ni ku bulelele so tezi kwanu, kikuli uka itusisa tumelo yo nani, ku Yena, kwa kulumela kuli wa amuhela so bile. . . tezi kwanu? Ka pilu ya hao kaufela? [Kezeli uli, “Eeni, Ni ka amuhela.”—Mu.] Ku lukile, kanti Mulena a si lumeleze.

<sup>396</sup> Ni bona kalibe kuli una ni sesi fosahalile. Tatubo ibonisa kuli ki—ki mba ye pazuzwi. [Kezeli uli, “Yeo ki niti.”—Mu.] Yeo ki niti. [“Yeo ki niti.”] Ki niti, eeni, sha, ki mba ye pazuzwi. [“Ki cona.”] Kana wa lumela kuli Mulimu wakona kufolisa kupazuha kwafoo? [“Eeni, sha. Na lumela kaufela ze Ni kona kulumela.”] Mina, kaufela mina—mina. . . [“Ni ze Ni kona kulumela ni zona kaufela.”] Mulimu aku fuyole. [“Mulimu wakona ku folisa mba yaka.”]

<sup>397</sup> Cwale, wena ha uzweleli kwanu. [Kezeli uli, “Batili, sha.”—Mu.] Ibile mukwa wa kuipa luli haufitile kwanu. [“Eeni, kubile cwalo.”] Kubile cwalo. [“Ku lumbwe Mulena!”] Eehe. Eehe. U zwelela kwa Tennessee. [“Eeni, sha.”] Yeo ki niti. Musala bo Hart. [“Yeo ki niti.”] Fetuha; usike wa kakanya. Uka foliswa, haiba fela ukona kulumela.

<sup>398</sup> U ikutwa cwani, kalibe? Lu baenyi ku mañi ni mañi. [Kezeli uli, “Yeo ki niti.”—Mu.] Nali ni kubone fateni mwa bupilo bwaka, kuya ka mo ni zibela. Mwendu Ni kile na kubona, kokuñwi mwa mukopano, mi mwendi ni wena ukile wa ni bona hakulata, kono ha Ni ku zibi. Mulimu wa ku ziba. Kana wa lumela ku na kuli ni mutanga Hae, ni Linzwi le Ni kutalize kuli ki Niti? Kihande, kakuba kuli Ni muenyi ku wena; mi Linzwi, le Ni kutalize, u li lumezi.

<sup>399</sup> Taba yateni fela, ki kuli, babañwi ba bona baka kufa kadi; mwendi ki alimuñwi wa balibeleli fa munyako, kamba ki mwana ka wa mushimani, kamba mutu yomuñwi ya kufile kadi. Nombolo ya hao ya bizwa, mi se utaha. Kona fela ze Ni ziba.

<sup>400</sup> Kono wena uteni mo, u katazwa ki ku ikalelwa. Za ku katazanga hahulu. Una ni yomuñwi hamoho ni wena. Una ni yo sweli ku lapelela. Ki mu. . . Ki muuna hao. Mi una ni butata bwa moya bo apalelwa kuzwa ku bona. Mi una ni mwana ya kula, hape. Ha u zwi kwanu, kono u zwelela kwa Mutulo. U zwelela kwa Canada, kwa Alberta. Yeo ki niti. Kana wa ni lumela kuli ni mupolofita wa Mulimu, mi u lumele kuli se Ni ku bulelela Niti, ikele kwa ndu mi uka amuhela so nani. Eeni. Lumela. Mulimu aku fuyole, kalibe.

<sup>401</sup> Na ni muenyi ku wena. Wena u muenyi kuna. Hani ku zibi. Kono Mulimu wa ku ziba. Kana wa ni lumela kuli ni mutanga wa Hae? [Kezeli uli, “Eeni, Na lumela.”—Mu.] Ka pilu ya hao

kaufela? Hani ku zibi, hakuna sesiñwi ka za hao. Kambe Na kona kuku folisa, Ne ni ka eza cwalo, kono Ha—Ha ni koni. [“Amen.”] Na hani mufolisi. Na ni mutu fela. Kono Yena ki Mulimu. Na ni lyangani nyana fela, kakuli kuna ni musali muhulu ya yemi mwahala ka ni wena. Kuna ni yo sweli ku lapelela. [“Eeni.”] Eehe. Ki bo maho. [“Eeni, ki cona. Eeni.”] Mi ba katazwa ki—ki kutokwa mali. [“Eeni, ki cona cwalo.”] Mi una ni—ni butuku bwa lipiyo. [“Eeni, sha.”] Yeo ki niti. [“Yeo ki niti.”] Kana ulumela cwalo? [“Eeni, Na lumela.”]

<sup>402</sup> Bo maho habayo mo. [Kezeli ubulela kuli, “Batili.”—Mu.] Kono ha u ka yo banga, unge lisila leli inzi mwa mulala wa hao leo, mi u yo li apesa ku bomaho, mi usike wa kakanya, mi ni butuku bwa kutokwa mali bu ka ba siya, mi ni butuku bwa hao bu ka fela. Zamaya, ulumele cwale.

<sup>403</sup> Mwa lumela cwale? [Kopano ili, “Amen.”—Mu.] Ka lipilu za mina kaufela? [“Amen.”] Cwale, mwa bona, Ni talimela mwahala sicaba, mi ku bonahala fela kuli ki—ki makalelo a mufuta wa mbundu cwalo, cwalo, kwande kwani.

<sup>404</sup> “Lika ze Ni eza ze ni mina muka lieza hape.” U ezize zeñata hahulu mo, busihu bo, kufita Mwa . . . mufuta wani, kufita za kile Aeza mwa musipili kaufela wa bupilo. Yeo ki niti.

Cwale, kalibe alimuñwi yo fa, musali wa sanana. Hani mu zibi, ki muenyi ku na. Kono kana u ni lumela kuli ni mutanga Hae? [Kezeli uli, “Eeni.”—Mu.] Cwale fa nako nyana fela.

<sup>405</sup> Muuna yomuñwi akile ataha kuna, alimuñwi mwahala sicaba. Cwale fa muzuzu fela. Yomuñwi mwahala sicaba. Ne si siyezi kwanu ka nako yani; Liseli lani ne li siyezi fani. Mi neku nani muuna yana yemi bukaufi ni Lona, mi fokuñwi mwahala sicaba. Fela musike mwa bilaela; mube fela ni kutiya pilu.

<sup>406</sup> Halu kuteleni hape ku mi lubone ku musali. Cwale haiba Mulena Mulimu. . . Ba ki baba silezi kamba baba supa, kamba nto yeñwi cwalo, baba fitile mwa mukoloko, mwatasa temuho. Mi haiba Mulena Jesu uka patulula ku na, ka musali yo, kaufela se si fosahalile ni yena, kana mina kaufela baba siyezi mu ka lumela ka lipilu za mina kaufela? Kana muka amuhela Krete ka mayemo ao nji? [Kopano ili, “Amen.”—Mu.] Mwabona? Nako yeñwi zeo li lukela ku pakiwa. Linako zetalu kona tiisezo mwa niti. Kono kanti ze ki linako zeñata ñata likitikiti ze mashumi amañata, kusina nihaiba nako iliñwi fo likile za fosahala.

<sup>407</sup> Hauyo kwanu ka za hao. Utezi kwanu bakeñisa muuna yomuñwi. Mi Na mu bona uinzi ni toho uinami. U sweli ku zuba kwani, mi usweli kulapela kuli likwai zani li mu siye. Yani ki . . . Mi Mulena Mulimu akufe kupo ya hao, kezeli. Zamaya, unzo lumela ka pilu ya hao kaufela, mi ni sona si diabulosi sa mukwa wa ku zuba sani si siye muuna hao, ka Libizo la Mulena Jesu.

408 Butata bwa hao bu inzi mwa mukokoto wa hao. Kikuli u lumela kuli Mulimu uka u folisa? Wa lumela? [Kezeli uli, “Eeni, Na lumela.”—Mu.] Ku lukile. Zamaya, uli, “Ni Itumezi, Mulena.”

409 Na mu ziba musali yo, Ni lumela kuli ki mwana musizana wa Musala bo Neece. Nji ha ku cwalo? [Kezeli uli, “Eeni.”—Mu.] Ne ni ziba kuli ku cwalo. Mulimu aku fuyole. Butata bwa mukokoto bu ka ku siya cwale mi uye ube hande ufoliswe.

410 Kana mwa lumela kuli Mulimu wakona ku folisa kuopa mwa lingongo koo ni kuku folisa? Zamaya u Mu bulelele kuli wa Mu lumela. U lumele fela ka pilu ya hao kaufela.

411 U ikutwa cwani, sha? Kana ulumela kuli Mulimu wakona ku folisa butuku bwa mwa mba bo ni ku kueza hande? [Muzwale uli, “Amen.”—Mu.] Ku lukile, mi u zamaye, uli, “Ni itumezi Mulena, Ni—Ni kaba hande cwale.” Mi—mi uka—uka ba hande.

412 Butata bobuñwi bwa kuopa mwa lingongo, ni busupali, hape. Kikuli u lumela kuli Mulimu uka ku folisa haiba Ni ku beya mazoho? [Kezeli uli, “Una ni linako zeñata, ni wena, ka kubeya mazoho a hao ku na, muzwale.”—Mu.] Kana mu utwile seo? [Kopano ili, “Amen.”] Mulena afuyole kezela ka, mi u mufe tukuluho hape busihu boo. Amen. Amu Mu lumele fla.

413 Butuku bwa pilu, butuku bwa mwa mba. [Kezeli uli, “Eeni.”—Mu.] Kana wa lumela kuli Mulimu wakona ku folisa seo? Ku lukile. Zamaya, ka Libizo la Mulena Jesu, Ha ku folise.

414 U ikutwa cwani, mutangana yomunyinyani? Butuku bwa ku fipelwa mwa sifuba. Kana u lumela kuli Mulimu wakona ku folisa ku fipelwa? [Muzwale uli, “Eeni.”—Mu.] Zamaya, lumela cwalo; Uka eza ona cwalo. Ku lukile.

415 Butuku bwa shuka. Kana ulumela kuli Mulimu wa folisa mali a hao ni kuku folisa? Zamaya, u Mu lumele, mi U ka eza ona cwalo. Wa lumela ka pilu ya hao kaufela nji?

416 Ku cwani kambe ha Ni si ka bulela sika ku wena; hane ni ka beya fela mazoho aka ku wena; kana u lumela kuli Moya o Kenile uteni mo kuku folisa nji? [Mukuli ubulela kuli, “Eeni.”—Mu.] Yeo kona nzila ya kueza ka yona. Taha kwanu. Ka Libizo la Jesu Kreste, ha zamaye mi a foliswe. Amen.

417 Taha, kalibe. Kambe ha Ni si ka bulela sika ku wena, kikuli ne uka lumela kuli Mulimu na ka kufolisa kwa butata bwa sisali bo- . . . Batili, uni swalele, U li bulezi kale. Zwelapili cwalo. Mulimu aku fuyole. Zamaya, zamaya, unzo lumela, mi, ube hande ya folisizwe.

418 Mwa lumela, sha, ka pilu ya mina kaufela nji? Mulimu wa folisa butata bwa pilu bwani nji Cwani? [Muzwale ubulela uli, “Eeni, sha.”—Mu.] Wa folisa muuna yo. Na ziba Wa mu folisa.

419 Yena, Yena ki Mulimu. Kana mwa lumela cwalo? [Kopano ili, “Amen.”—Mu.] Kana mwa lumela ka lipilu za mina kaufela? [“Amen.”] Mube ni tumelo ku Mulimu!

420 Muuna yomuñwi kwanu u ezize nto yeñwi, fa mizuzu nyana fela ye fitile. Ni bata ku fumana sani. Neli mali. Mutu yomuñwi inge kozi ya fa mukwakwa cwalo, kamba nto yeñwi yene ezahalile. Neli ku—neli kulota mali. Neli kwa sibaka si sili. Muuna yani na yemi ona fani. Cwale ha mu lapele fela. Eeni, ku cwalo. Ki muuna ya inz- . . . Kiñi, ki J. T. Parnell. Na muziba mushimani yani. U sweli kulota mali mwahali, J. T. Kana u lumela kuli Mulimu uka ku folisa? Ku lukile, si ka li fitelela kanti, J. T. U lumele ka pilu ya hao kaufela.

421 Kalibe yomunyinyani yainzi fa, ya talimezi fa buse, ya inezi foo bukaufi ni Muzwale Grimsley. Kuna ni Liseli fa kaufi ni yena. Wena, wa kola yesweu yenyinyani. Mary, Hani ku zibi, kono leo kona libizo la hao. U katazwa ki butata bwa moya, mi hape u ikalezwi hahulu. Ulibale zeo; kaufela likaba fela hande. U lumele ka pilu ya hao kaufela. Ube ni tumelo ku Mulimu. Haiba fela wakona ku lumela.

422 Kalibe yomunyinyani yo ya inezi kwa mulaho kwani kwa sipula sa kwa mulaho, kwa neku leliñwi kafani, u zwelela kwa Michigan, una ni butuku bwa sisali. Kana u lumela kuli Mulimu uka ku folisa? Wakona kuba ni so kupile, kanti. Kikuli wa lumela? Amen. Nanula lizoho la hao, uli, “Na amuhela cwalo.” Ku lukile, wakona kuya kwa ndu mi ube hande. Hani mu zibi kalibe yani, kono Mulimu wa mu ziba.

423 Ku cwani ku mina baba inzi fa mumbeta fa? Ki mina fela baana ba sihole munosi, kamba muuna ya lobezi fa mumbeta. Na ni muenyi ku mina. Hani mi zibi. Mulimu ki yena ya mi ziba. Kono, Ni bulela cwana cwale, mu apesizwe muluti wa lifu. Muna ni kansa. Mu zwelela kwahule hahulu. Mu zwelela kwa Cincinnati, kwanu. Libizo la mina ki mina Bo Hawk. Mu lumele ka pilu ya mina kaufela. Haiba muina fo, mu ka shwa. Mu amuhele Jesu Kreste mi mufoliswe. Mwa Mu lumela kana? Kanti mu yeme cwale he, kuzwa mwa sipula seo, ni ku amuhela Jesu Kreste.

424 Ki babakai mwahali mo baba Mu lumela, ka muzuzu wo? [Kopano ili, “Amen.”—Mu.] Kana mwa lumela ka lipilu za mina kaufela? [“Amen.”] Kanti ki fo, mañi ni mañi wa mina, amu yeme cwale. Mu yeme. Cwale ka nzila ya mina fela, mo mu ka lapelela kaufela, mubeye lizoho la mina ku mutu yali bukaufi ni mina.

425 Ukai Kezeli Brown? Na inzi mwahali mo, inza katazwa ki zona zeo. Zazi leliñwi a ni biza fa luwaile, mi na palelwa ku nanula mazoho a hae mwa halimu. Na bona kuli neku na ni sene si fosahalile mwa mali a hae. Ha Ni mu katana zazi leliñwi. . . Una ni butuku bwa shuka. Ukai kana? Nali kwanu ni Musala bo Dauch, fa nako nyana. Ku lukile, Kezeli Brown. Busihu bo, Ni bata kuli ulumele ka pilu ya hao kaufela. Na ziba kuli wa ziba ze fosahalile ku wena, kono Ni bata kuli ulumele. U zwile

mwa sipatela, utile kwanu, mwabona, kuli uto lapelelwa. Na ku lapelela cwale. Lumela. U kaba hande.

<sup>426</sup> Margie, ube ni tumelo ku Mulimu. Si ka tuhela ona fa cwale. Si ka fela. Wakona ku folisa butuku bwa shuka, Wakona kuku folisa kwa butuku bwa mwamba ya hao boo.

<sup>427</sup> Cwale mañi ni mañi mubeye mazoho a mina ku mutu yomuñwi, mi mubeye fela mazoho a mina cwalo fa muzuzu fela. Mubeye fela lizoho leo ku mañi ni mañi, muswale. . . Mwabona, seli bukaufi ni ilebene kiloko cwale, mi buñata bwa sicaba se bana ni ku zamaya ka limota kuya Tennessee ni kwa libaka ze shutana.

<sup>428</sup> Kaniti, Mulena Mulimu u pakile ni ku bonisa. Ki sikamañi se muboni, busihu bo? Kikuli muboni mutu kamba muboni Jesu, Jesu inza paka Linzwi la Hae?

<sup>429</sup> Litalo ze beile fa ze, ona fa tozo ye haisa liteñi kuna, Ni beile mazoho aka fahalimwa litalo ze, ni lapela kuli Mulimu Yamata kaufela. . . Neba bulezi kuli, “Neba ngile fa mubili wa Paulusi litalo, kamba masila.”

<sup>430</sup> Ki ba fa bene ba shwile, mi ba zusizwe. Ki ba mo bene bali mwa likozi, ba pyatehile kulubeha, ba folisizwe. Kuna ni. . .

<sup>431</sup> Ni bona Musala bo Wilson ya yemi fa, kuli, haki kale hahulu, na sweli ku felelwa hahulu ki mali kubata kushwa, ni TB, lilimo za kwa mulaho. Ki yo mo busihu bo, madokota neba si ka mutusa sesiñwi kwanda ku mutomela fela liholo nyana za kupila. Ki yo mo uyemi busihu bo.

<sup>432</sup> Sibaka se kaufela, mwahali mo, lianga, libofu, lihole, mwa lipula za mawili ni lika zeñwi kaufela, ba yemi busihu bo sina libyana ze pila za butokwa. Kiñi hakuli cwalo? Jesu Krete wa pila, Ki ya swana maabani, kacenu, ni kuyakuile.

<sup>433</sup> Muuna yani ya sa zo fa bupaki, fa nako nyana, ya hae, kwani, yana bile ni mbingwa, yana bile ni zona myaha ye kaufela, ni lika kaufela, mi nako iliñwi fela mwa mukopano. Mi yani ubile teni, mwahala myaha ye kaufela ye fitile; ali kuba abe ni kanono kuzwa nako yani. Yani ki iliñwi ya likiti ze mashumi.

<sup>434</sup> Yena ki mufolisi. Amen. Wa folisa. Cwale, musike mwa taba. Fela, ka tumelo yeswana ni ya mwanana, mutalimele kwa Kalvari. Mukwale meto a mina mi mulibale kuli muinzi mwa Tabernakele. Mukwale meto a mina mi mulibale kuli kuna ni ya inzi bukaufi ni mina, mi mutalimele ku Jesu mi mubone. Mutalimele ku Jesu cwale mi mupile.

Ku ñozwi mwa Linzwi, haleluya!

Ki mukwa fela wa “ku talimela ni kupila.”

Oh, “mutalime ni kupila,” muzwale waka, pila,

Talima ku Jesu cwale mi upile;

Ku ñozwi mwa Linzwi, haleluya!

Ki mukwa fela wa “kotalima ni kupila.”

435 Mukwale meto a mina ku mutu. Mukwale meto a mina kwa lika kaufela ze mibeile mwahali. Mi mutalime ka tumelo ya mina, ku Jesu Kreste, mi muzibe, kuli, “Na holofalile kabakala libi za luna; ka miupa ya Hae ne mu folisizwe.”

436 Mulena Jesu, sina sicaba se haba nze ba lapela, mi, ba beile mazoho a bona ku yomuñwi ni yomuñwi. Mi luna lu . . . lemuha kuli lu yemi fapila Kubatani ko kupila, yena Jesu Kreste, mwa mufuta wa Moya o Kenile, inza patulula ku luna likunutu za lipilu za luna, inza zibahaza ku luna litakazo za luna, ni ku lu sepisa kuli Uka lufa litakazo za luna haiba lu kona fela ku lumela.

437 Baana ni basali bana ni mazoho a bona ku yomuñwi ni yomuñwi. Ba lapela, kakuli lu batu hamoho ba Mubuso wa Mulimu. Luna lu muzwale hamoho ni likezeli za Jesu Kreste.

438 Mi, Satani, lu taha ku wena ka kuku swabisa ka Libizo la Mulena Jesu. Yena ki yena Mukwale. Ki Yena Ya pumaka matuku kaufela. Ki Yena Ya pumaka ku kakanya kaufela. Ki yena Mukomi. Cwale lwa ku swabisa, ka Libizo la Jesu Kreste, kuli uzwe mwa sicaba se, Satani!

439 Linzwi la Mulimu li i ponahalize. La kenya mwa mupato, li zusa ku kakanya kaufela, li lelika matuku, mi litisa puluso ye petehile. Lu lapela kuli Moya o Kenile uwe fa halimu a sicaba se, mi ufe ku bona mata a tumelo a ku lumela kuli Kubatani kwa Kreste ya mata kaufela kuteni mo cwale. Lumeleza cwalo, Mulena.

440 Na kalimela matuku kaufela. Na kalimela makulano kaufela. Na kalimela ku sa lumela kaufela. Ka Libizo la Jesu Kreste, mi cwale Moya o Kenile ukuteke se Ni bulezi, ni ku fita mwahala muyaho wo ni ku lamulela mutu kaufela mwa Kubatani kwa Bumulimu.

441 Ha mu nanule mazoho a mina cwale mi mu Mu lumbeke. Ni mi bulelela kuli mu iketile mi mufolile, ka Libizo la Jesu Kreste!



*AMUTALIMELE KU JESU* LOZ63-1229E

(Look Away To Jesus)

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Nulule 29, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwatani ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)